

Dieses Werk wurde Ihnen durch die Universitätsbibliothek Rostock zum Download bereitgestellt.

Für Fragen und Hinweise wenden Sie sich bitte an: digibib.ub@uni-rostock.de


Observationes Qvasdam Testamentarias

Tubingæ: Stanno Meziano, [1745?]

<http://purl.uni-rostock.de/rosdok/ppn877647100>

Druck Freier  Zugang





K.K - 1 (23.)

Hyrer de rescripto legitimat.

Bastineller de nepote non conferente.

Birnbaum de utilitate Physic. in jurispr.

Brendel de quer. test. inoff.

Bruckner ad l. 20. C. de jure dot.

Chiladenius de jure debit. circa elect.

----- debitor delicatus.

Cöller de annulis.

Dresig de usu Stigmatis.

Höcke de aditione heredit.

Grafs. Obs. jurid.

Harpprecht de sero. legali.

Helwig de Paganismo Triboniani

Hoffmann Obs. testam.

Hoffmann de origine Procurator.

Hombergh de bon. poss.

----- de oblatione idem.

Ienichen de Brisco Savoleno.

----- de Callistrato.

Kestner de pediculis argenteis.

Kühl de cessione privil. fisca.

Kunhold de repud. hered. moto conc.

Lassberg Obs. ad jus sui heredis.

Leyser de Aitor. divisionibus.

Linck de voce quasi.

Lischke de orig. hap. tacit.

Dudovici de ntu osculis explor.

Mahland te Prescr. quinq. in reb. min.

Masiib ü. d. Code Napoleon.

Mollenbeck de Genio Princ.

Rohrenfle de Servio.

42. Thäl

Saxe ad l. Plamiliam.

Schlichtkrull an avo tatores
constituere etc.

Schrumm de Vigilibus Priscis.

~~Staudigl de Tempore usci.~~

Schwope de acceptatione

Sluter saffianus defensas.

Stirn de Constitut. Princip.

Tenzel de Itto Macedon.

Weldvogel de genio Principis

Wunderlich de evict. in donat.

Zoll ad l. 20. D. de reg. iuri.

----- drauf fñbt Ministr auf auf.



Testamentum.

30.

OBSERVATIONES QVASDAM ¹¹⁴¹ TESTAMENTARIAS

SELEGIT

ATQUE

PRAE SIDE
GODOFREDO DANIEL
HOFFMANN

IVRIS VTRIVSQUE LICENTIATO,
ACADEMIAE PROFESSORE PUBLICO EXTRAORDINARIO,

NEC NON

ILLVSTRIS COLLEGII ORDINARIO

DIE XXXI. AVGUSTI MDCCXLV.

H. L. Q. S.

DEFENDET

AVCTOR ET RESPONDENS

IOANNES FRIDERICVS STOCCMAIER

STUTTG. I. V. C.

TUBINGÆ,
STANNO MEZIANO.

IVLIVS PAVLLVS

IN

LEGE V. TESTAMENTA QVEM AD MODVM
APERIANTVR INSPICIANTVR ET DESCRI-
BANTVR.

PVBLINE EXPEDIT
SVPREMA HOMINVM IVDICIA
EXITVM HABERE.



I.

TESTAMENTA non solum *leges*, sed *judicia* quoque sunt & dicuntur.

MISCELLAS quasdam MEDITATIONES COMMENTATIONESQUE TESTAMENTARIAS, speciminis atque exercitii academici modo, exhibutrum, neque stoica illa, vocis testamenti, *a testatione mentis*, desumpta derivatio, ingeniosa magis, quam vera, sive SERVII SULPICHI, LEMONIA RUFI, ICTI, allusio (vid. A. GELLIUS in *Noctibus Atticis*, libro VI. cap. 12, & IACOBVS CVIACIVS in libro observ. XI. cap. 37.) a TRIBONIANO in princ. *Instit.* de *testamentis ordinandis* adoptata, neque adeo vexata illa, qua tamen hodieque *melior* haud prodiit, testamenti, *justa voluntatis nostrae*, de eo, *quod quis post mortem suam fieri velit*, *sententia dicti DEFINITIO*, ab HERENNIO MODESTINO, ultimo omnis fere Romanæ Iurisprudentiæ oraculo, in *L. I.* qui *testamenta facere possunt*, profecta, multum moratur. Quæ enim post innumeros ferme alios, qui suam huc contulerunt symbolam, adhuc restabant dicenda, ea omnia eruditio adparatu occuparunt TRIVMVIRI, ad veterum ICTORVM famam & gloriam grassantes, *consultissimus Bremensium Syndicus*, EVERARDVS OTTO, in oratione de Servio Sulpicio, *Ultrajecti habita*, multoque deinceps auctiore, inque justi libri formam redacta, *Thesauri Iuris Romani*, Tomo V. fol. 1459. inserta, Illustris, qui Francofurtum, patriam suam, nunc ornat, HENRICVS CHRISTIANVS SENCKENBERG, in *Diss. de testamenti publici origine & sollemnitatibus extrinsecis*, Got-



tingæ anno 1736. habita §. I. & IV. nec non celeberrimus ille Gottingensium Antecessor primarius, Illustris GEORGIVS CHRISTIANVS GEBÄVER, in præfatione, frontem tractationis TREKELLIANÆ, de origine & progressu testamenti factionis præsertim apud Romanos, Lipsiæ, anno 739. 4. editæ, supra modum ornante. Qyi alibi etiam, nempe in exasciata illa Diff. de Iustitia & Iure, Gottingæ anno 1738. ventilata, p. II. pag. 3. & 4. quid de definitionum legalium auctoritate, neque temere rejicienda, neque vero etiam incaute (vid. illustris AVGVSTINVS a LEYSER in spec. meditat. ad P. I. num. 1.) admittenda, sentiat, libere & sine omni præjudicio professus, atque singulari Programmate, eodem anno edito definitio-*nī* *Tutela* dicato testatus est. Neque vero illud quoque pluribus nunc diducere animus, testamenta Romanis LEGES visa dictaque fuisse. Id quod tam originis, quam sanctitatis inviolabilitatisque intuitu verum est.

In iisdem namque primo condebantur *comitiis*, in quibus leges quoque ferebantur. Scilicet CALATIS. Ita namque Imp. IV-
STINIANVS, qui nihil hic antiquitatis penitus ignorari voluit, in
§. I. *Instit. de test. ord.* Ita A. GELLIVS in libro XV. cap. 27. Ita DO-
MITIVS VLPIANVS in fragm. tit. XX. §. 2. apud ANT. SCHVL-
TINGIVM in *Iurisprud. antejustin.* p. 627. Ita Græcus ille *Instit.*
Imp. Paraphrastes THEOPHYLVS in d. §. 1. ubi tamen, eorum,
quæ olim in usu fuerunt, ignorantiam nullo cum periculo conjun-
ctam esse putavit, fide non adeo ubique dignus. Ita denique o-
mnes, qui horum loca pluribus illustrarunt, BARNABAS BRIS-
SONIVS, suo quoque infortunio celebris ICtus, de Form. Pop. Rom.
libro VII. pr. pag. m. 586. CHRISTIANVS THOMASIVS in tribus
diff. Hala, anno 1705. editis, de origine succ. testam. de primis ejus initiosis
apud Rom. deque sensu legis decemviralis testamentaria, & ut plures haud
addam, B. IO. GOTTLIEB HEINECCIVS in Syntagm. Antiq. Rom.
Libro II. tit. X. §. 2. nec non in Diff. suis de testamenti factione jure Germ.
arctissimis limitibus passim circumscripta, & de origine testamenti factionis
& ritu testandi antiquo, Hala anno 1734. & 1736. editis, inque ejus
Sylloge opusc. var. num. 26. & 27. pag. 920. & 970. reperiendis. Cum
vero

❧ ☺

vero tam *curiata*, quam *centuriata* Romanorum comitia, imo etiam tributa fuerint *calata*, hoc est convocata, admodum dissentunt, in quibusnam comitiis calatis testamenta condita fuerint. *Tributa*, in quibus non populus, sed plebs modo convocabatur, quæque demum CORIOLANI occasione orta fuerunt, huc plane non pertinent. Pro *curiatis* disputant ARN. VINNIUS ad §. I. *Inst. de test. ord.* atque EHREGOTT FRIDERICVS BERGMANN, in *diff. de numero testimoniis in testam. septenario*, *Lipſia*, anno 1731. Praefide Cel. F. A. HOMMELIO, edita §. XIII. Pro *centuriatis* pugnat ALB. DIETERICVS TREKELL, cit. loco, cap. II §. 16. Pro *utrisque* contendit VLRCVS HVBERVS in *Digress. Justin. libro IV. cap. 30. pag. 415.* Cui eo minus adstipulari dubito, quo certius in *utrisque* etiam *leges latæ* furerunt. Id quod, quem ad modum de *centuriatis* certissimum est, ita de *curiatis* facile colligitur, e L. II. §. 2. de O. I. DIONYSIO *Halicarnasseo*, libro IV. pag. 275. M. T. CICERONE in ep. ad ATTICVM libri XIV. 1. libri XI. ep. 12. C. SVETONIO TRANQVILLO in Aug. cap. LXV. num. 4. Erant nempe Romanis leges *centuriata* & *curiata*. Nequie tantum ad SERVII TVLLII usque tempora, uti B. HEINECCIO viñum in *Hist. Iuris L. I. cap. I. §. 7.* Vide post NICOLAVM GRVCHVM, aliasque SAM. PITISCVM in Lex. Antiq. Rom. b. voc. Tomo I. fol. 525. Eisdem quoque ritibus formulisque absolvebatur *testamenti factio*, quibus alias constabat *legislatio*, rogatione scilicet, causæ cognitione & suffragiis. Unde testamenta leges sive *privilegia* (quid enim vi vocis & rei quoque ipsius *privilegia* aliud? quam *privæ*, hoc est in singulos atque privatos latæ leges. Vid. A. GELLIVS, libro X. cap. 20. M. T. CICERO in *paradox.* IV. in *orat. pro domo sua*, cap. 17. *pro SEXTIO*, cap. 30. nec non in Libro de LL. III. cap. 19. S. POMP. FESTVS b. voce. ISIDORVS in orig. L. V. cap. 18. Conf. ill. BOEHMERI *diff. de finibus privil. regundis*, cap. I. IO. GOTTFR. SCHAVMBVRGII *diff. de natura privil.* nec non IO. GOTTL. SIEGELII *diff. de genuino priv. conceptu.*) & heredes illi, heredes potius *legitimi* erant, quam *testamentarii*. Populi magis quam *testatoris* arbitrio constituti. Inde vero etiam tantus *testamentis* constituit honos, ut quemadmodum in publicis actis nihil lege gravius,

vins, ita in privatis testamento, judice M. TULLIO CICERONE in *Philippica II. cap. XLII.* firmius nihil unquam fuerit Romanis, nihilque sanctius. Id quod tam *Legislatores*, quam *Jure Consulti*, permultis, de validitate testamentorum, ab aliis jam collectis, sententiis satis superque testati sunt. Conferri vero huc omnino merentur, CHRISTIANVS THOMASIVS, in *diff. de primis initiis successionis testamentaria apud Romanos*, §. 9. 10. 11. 12. & B. IOANNES GOTTLIEB HEINECCIVS, in *Syntagma Antiquit. Romanar. Libro II. Tit. X. §. 2.* atque in *Liss. de testamentificatione juris Germ.* §. II. & *de Origine testamenti factionis & prisco testandi Ritu*, §. XIII. in *Sylloge opusculorum*, num. XXVII. pag. 923. & 981. Quibus nunc quoque jungendus est Excellentissimus Dn. CHRISTOPHORVS FRIDERICVS HARPPRECHT, Antecessor in hac academia longe celeberrimus, Fautor meus atque Præceptor venerandus in *lance fatura rerum ad testamentarias leges adinentium*, superiori demum anno ventilata, pag. 19. Legis autem adpellatione, qua testamentum passim ornatur, velut a PRISCO in *Excerptis de legationibus* pag. 62. (νέρον) IO. CHRYSOSTOMO ad *acta Apost. Homil. I.* pag. 615. (νόμος ζετεῖν) VLPIANO in *fragm. tit. XXIV. §. 1.* apud SCHVLTING. pag. 649. & IVSTINIANO ipso in *Nov. XXII. cap. 2.* quaque etiam, Practici utuntur in causis, ubi testamentum quoddam conservandum, exemplo B. GABR. SCHWEDERI in *Conf. C. num. 94. 95.* in *Vol. Consil. illustris FACULTATIS IURIDICAE TVBINGENSIS VI.* fol. 706. adhuc frequentius est elogium, eidem quoque tribui solitum, IVDICI nempe & quidem SVPREMI. Quam cum alii hucusque neglexerint, paucis nunc considerabo illustraboque.

Occurrit vero illa, tum apud Jureconsultos atque Imperatores, in *Legibus nostris*, tum vero etiam apud reliquos auctores, classicos, in *scriptis suis*. Sic, ut non omnia quidem, sed potiora tamen hujus nominis exempla adferam, TRIBONIANVS in §. XIII. *Inst. de testamentis ordin.* scribit, *veluti si quis navigaturus & secum ferre, & domi relinquere IVDICIORVM suorum contestationem velit.* Idem etiam FLORENTINVS in L. XXIV. qui *testam.* facere possunt, sequentibus verbis statuit. *Unum testamentum pluribus exemplis consignare quis potest,*

potest, idque interdum necessarium est: forte si navigaturus, & secum ferre,
 & relinquere IUDICIORVM suorum testationem velit. IDEM in fine L. XXIV.
 de testamento militis: & per hoc IUDICIA vera subvertuntur. PAPI-
 NIANVS, in L. LXX. de heredibus instituendis; Captatorias Insti-
 tutiones non eas Senatus improbavit, qua mutuis affectionibus IUDICIA
 provocaverunt, sed quarum conditio confertur ad secretum aliena volunta-
 tis, & VLPIANVS in L. I. §. 3. si a parente quis manumissus sit; si
 parens vel accepit pecuniam, ut emanciparet, vel postea vivus in eum fu-
 lius, quantum satis est contulit, ne IUDICIA ejus inquietet, exceptione
 dolii repelletur, adde EIVSDEM L. XXII. §. 1. de adoptionibus & L. unic. pr.
 de bon. poss. ex testam. militis. PAVLLVS, in L. V. Testamenta quem-
 admodum aperiantur, publice expedit saprema hominum IUDICIA exi-
 tum habere, adde EIVSDEM L. XXXII. de in officioso testamento. CLAV-
 DIVS, in L. XXXVI. de Legatis & fideicommissis III. quia credere-
 tur quasi furiosus testamentum facere non posuisse: ideoque nec aliud quid
 pertinens, ad SVPREMA ejus IUDICIA valet. Quæ supremorum judiciorum
 adpellatio Jure consultis adeo solemnis fuit & quotidiana, ut, toties ju-
 dicia subintellexisse censi debant, quoties, exemplo PAVLLI in L.
 XXV. §. 1. de Liberis & Posthumis heredibus instituendis & L. XXXVI.
 §. 2. de testamento militis, nec non PAPINIANI in L. LXXVI. §. 26.
 de Legatis II. de supremis ordinandis simpliciter locuti fuerunt, scil.
 judicis, sive testamentis, quæ proprie ordinari dicebantur, teste
 rubro Inst. Lib. II. tit. X. de testamentis ordinandis & Codicis Lib. VI.
 tit. XXIII. de testamentis & quemadmodum testam. ordinentur nec non
 §. III. Inst. de Codicillis. Neque rarius judiciorum elogio testamenta signa-
 runt Imperatores. Et quidem vel judiciorum simpliciter, sicut in L. VI.
 Cod. qui testamenta facere possunt, ubi CONSTANTINVS. A. si quis
 Imperatore forte heredem instituerit, habeat mutandi IUDICII voluntate
 in L. I. C. de Codicillis, & L. XVI. C. familia ericunda, L. XV.
 XIX. C. de testamentis, vel judiciorum supremorum, ut in L. V. C. de
 testamento militis, & L. I. C. de Collationibus, vel judiciorum postremo-
 rum, exemplo DIOCLETIANI & MAXIM. A. A. in L. IV. C. qui
 testamenta facere possunt & in L. XIV. C. de donat. inter virum & uxorem.
 AVCTORVM, quos vocant, classicorum, eorundemque probatissimorum,
 loca



loca non cumulabo. Adeat, cui volupe, IVSTINVM, Libro V.
 cap. II. §. 2. C. SVETONIVM TRANQVILLVM in AVGVSTO
 cap. LXVI. §. 8. L. ANNAEV M SENECA in Libri de Beneficiis
 I. cap. 15. & Lib. IV. c. 11. VALERIVM MAXIMVM. Libro VII.
 c. VII. §. 4. nec non QVINTILIANVM, in Institut. Orator. Libro VI.
 Cap. 3. Nihil itaque superest, quam ut rationem hujus adpellatio-
 nis paucis reddam. Ubi tamen magis ad vocem *Judicij*, quam illius
 additamentum *supremi* respiciendum erit. Hoc enim vel idem
 denotat, quod *ultimum* atque *postremum*, vel a *stylo*, quo illæ inter-
 riores ceræ sive tabulæ exarabantur, pariter *supremo* dicta, profici-
 scitur. Vide AMMIANVM MARCELLINV M Libro XXV.
 cap. 11. & conf. CLAVDIVM SALMASIVM de subscrib. & signan-
 dis test. cap. X. p. 118. nec non IVLIVM PAVLVM in libro re-
 cept. sent. V. tit. 25. §. 6. apud SCHVLTINGIVM, p. 517. Judicia
 autem Romani appellabant voluntates ultimas, non eo sensu, quo
judicium pro mentis animique facultate sumitur, sive *discretionem*, uti
 sumitur in §. I. Inst. quibus non est permisum facere testament.
 in L. XII. §. 2. de *Judic.* L. XLI. §. 6. de *fideic.* liberta-
 tibus, & L. XX. C. de *nuptiis*, ac si ibi maxime *judicio* opus esse
 innuere voluerint, ubi is diligendus, qui testatoris in locum suffi-
 ciendus, omnibusque heredibus legitimis præferendus: sed eo sensu,
 quo pari alias passu cum *sententia* ambulat *judicium*. L. LXXXIII.
 §. 1. de V. O. L. I. de his qui not. inf. L. XVI. D. L. un. C. de confessis. Sen-
 tentiam generis loco in definitione Testamenti adhibuit MODESTI-
 NVS. Et id quidem recte. Sententiam enim fert, sive pronunciat
 testator, quis eorum heres sius esse debeat, qui vel proximo cum
 ipso juncti vinculo, vel quos ipse vivus maxime dilexit. Imo con-
 cinnior testamentorumque indoli convenientior videtur conceptus
Sententia atque *judicij*, quam *legis*. Si præsertim a prima testamen-
 torum origine comitiali discesseris. Licet in *comitiis* quoque *judicia*
 fuerint celebrata. Non enim nisi inter *partes*, *sententiae* exemplo,
 jus facit Testamentum, tertioque neque prodest, neque obest.
 Prius vero in *rem judicatau* non transit isthæc testatoris *sententia*,
 quam morte sive fato ejus, dieque fatali (vid. MACROBIVS in so-
 mno


◎ ◊ ◎

mnio Scipionis L.I. cap. 13. L.I.C. si reus vel accusator mortuus fuerit, & L.IV.
C. 51. pendente appell. mors intervenerit, nec non b. voce BRISSONIVS illius
confirmatum fuit testamentum, id quod, uti juris notissimi, ita quoque
PAVLI, non Jure consulti, sed Apostoli, testimonio ulterius confirmatur, in
Epistola ad Gal. cap. III. v. 15. atque ad Hebr. cap. IX. v. 16. 17. Conf.
omnino IO. SAMVELIS, SAM. F. STRYKII, Diss. Hale, anno
1695. ed. de Jurisprudentia Pauli Apostoli, Cap. II. §. 5. pag. 25.

II.

Testamenta publica, Principi, Judicive ob-
lata, perperam vel solemnia, vel minus sole-
mnia, dicuntur.

EVNDEM cum ipsis definitionibus, DIVISIONES quoque in Jurispru-
dentia nostra præstant usum, jam antiquissimis IVRECONSULTIS ideo
quoque commendatissimæ. Confer egregiam Celeberrimi EVER-
ARDI OTTONIS præf. commentario ad *Institutiones*, cura Excellentissi-
mi, meique Patroni atque Præceptoris honoris causa iterum nomi-
nandi CHRISTOPHORI FRIDERICI HARPPRECHTI, magno studioræ juventutis commodo, superiori demum anno
hic loci iterum edito, præmissam. Testamenta aliter Romani
distinxerunt, aliter nos hodie distinguimus. Transeant anti-
quiores illæ testamentorum divisiones, sive potius species. Minime
vero jam nunc sine observatione quadam transeat divisio illa longe
notissima, testamentorum, in SOLEMNIA atque MINVS SOLEMNIA. Quæ
nihilominus rectissima utilissimaque, licet totidem verbis in legibus
nostris haud occurrat, modo rite explicetur. Quemadmodum enim il-
la se se ad alteram, æque celebrem, testamentorum in PVBLICA atque
PRIVATA distinctionem habeat, nondum convenient, qui leges inter-
pretantur. Sunt, & fuerunt, qui publica manifesto errore dixerunt
minus solemnia. Speciosior est illorum sententia, qui solemnibus publi-



ea accensent. Sunt vero etiam, qui ea *solemnibus* adhuc *solemniora*, hoc est, *solemnia solemnitatibus* superare credunt. Et horum quidem sententia in ipso L. XIX. C. de *testamentis*, publicorum sede, fundata videtur; hoc enim illius est principium, *omnium testamentorum solemnitatem superare videtur*, quod Principi, vel judici offertur. Verum enim vero non ita rationes meas subduco. Divisio testatorum in *solemnia & minus solemnia* non nisi subdivisio *privatorum* est. Testatorum alia, publica fide sustinentur, alia privatorum. Hæc *solemnitatis* opus habent, non illa. In his vel plures, vel pauciores Leges desiderant *solemnitates*. Hæc itaque saltim vel *solemnia* sunt, vel *minus solemnia*. Ratione *effectus*, publica, *solemnia*, & *minus solemnia* convenient, modo justa sint, consequenter hæc differentia ratione *numeri solemnitatum* est consideranda. Notorie autem in publicis pauciores desiderant *solemnitates*, quam in privatis, & frustra tamen, imo perperam *minus solemnia* illa dixeris, ita enim ea saltim recte dicuntur, in quibus a posteriori *solemnitatum quædam remissæ* sunt, hoc est *privilegiata*. In publicis autem *solemnitates* a priori necessariæ haud sunt, licet quoque tam in allegata L. XIX. quam in L. XXVII. C. eodem, acta judicis, & testes idonei comparentur, hoc enim *effectus*, non *solemnitatis* intuitu factum. Judicis enim acta non tam *solemnitatem*, quam *fidem* potius *testamentis* conciliant. Vid. Cel. FR. C. CONR. *diss. de test. apud acta*, §. V. Conferri meretur GVILIELMVS LVDWELL, in *tr. de ultimis Volunt. cap. I. pag. 178.* Licet una cum SAM. STRYKIO in *diss. de test. Principi vel judici oblato*, in *Vol. diss. STRYKIANARVM*, edit. nov. Ulm. V. *diss. IX. n. 18. fol. 303.* publicum pro *solemni* habeat. Illa vero nimis abusive, & neutiquam termino technico *minus solemnia* dicuntur, quæ in necessaria quadam deficiunt *solemnitate*, *invalida* scilicet, si generatim loquimur, vel speciatim *injusta*. Sicuti namque *testamentum* *solemne* & *validum* est *ivsta voluntatis nostræ* sententia, ita *minus solemnne* & *invalidum*, sententia *injusta*, non *jure facta*. L. I. *de injusto, rumppto, irrito facto test. vid. ARN. VINNIVS in qu. select. L. II. cap. 20. 21.* Non ratione *æquitatis* & *justitiae* *intrinsecæ*, sed potius *ratione* *solemnitatum* *extrinsecarum*.

Quod

❧ ☺ ☧

III

Quod enim HERENNIVS MODESTINVS in L. I. qui testamenta facere possunt, IVSTVM dixit, id DOMITIVS VLPIANVS in tit. fragmentorum XX. §. 1. apud ANT. SCHVLTING, in *Jurisprudentia ante justiniacu[m]*, pag. 627. adverbio SOLEMNITER declaravit. Aliud quoque est *testamentum minus solemne*, aliud *ultima quædam voluntas generatim, minus solemnis*. Testamenta minus solemnia sunt militum, parentum, rusticorum, parturientium, vid. LEYSER, *in spec. XIV. num. 5.* & MICH. BRVMMER (non CORN. van ECK, cui hæc diff. quæ nomen illius non nisi tanquam *Rectoris* tulit, perperam adscribitur) *diff. de test. partur. privil. Ultraj. anno 1695. hab. peregrinatum, pestis tempore, & ad pias causas testantium, ultimæ vero voluntates minus solemnes sunt codicillus, epistola, vid. MELCH. DETHMARI GROLLMANNI diff. de epistola hominis ultima, Gissa 1707. hab. legatum, fideicommissum, mortis causa donatio, pæctum dotale. Confer GVIL. HIER. BRUCKNERVM in diff. de variis ultimarum voluntatum speciebus, Jen. 1714. ed.* Unde, quod generatim moneo, huic distinctioni parum fidendum, semperque ad materiam substratum respiciendum est. Licet forsitan inde, præsumptio pro validitate test. publicorum fortior adhuc sit, quam reliquorum saltem, privatorum.

III.

Argumenta, quibus Testamenta, neque Principi, neque Judici, per procuratorem offerri posse, afferitur, omni exceptione majora haud sunt.

In utramque partem, magno animorum motu disputari hodie solet, utrum testamentum Principi vel judici, per procuratorem offerre liceat: an vero potius, in utroque hoc testamento, personalis testatorum comparitio, atque coram judice præsentia, absisse, atque sub ipsa nullitatis pena, necessaria sit? *Priorem* illam quæstionem, uno veluti ore, antiquiorum IVRECONSULTORVM omnes negarunt, hancque *posteriorem*, sine omni formidine oppositi, affir-

B 2

marunt,



marunt, eoque processerunt fiduciæ, ut non solum epistolam; propria testatoris manu exaratum, verum etiam procuratorem, specia-
lissimo plane mandato instructum, exemplo CHRISTOPHORI BE-
SOLDI in Cons. CCXXX. num. 10. imo notarium septem testibus ar-
matum, cum BENEDICTO CARPZOVIO in Iprud. for. Parte III.
const. III. def. 23. num. 10. ab ista testamenti oblatione penitus exclu-
serint, arcuerintque. Liceat igitur jam nunc, rationes eorum,
argumentorumque pondera paucis recensere, nec non quibusdam
observationibus dilucidare.

PRIMUM, quod procuratori hic objiciunt, argumentum, ex ipsis
testamentariis Romanorum antiquitatibus, desumunt, atque ab ulti-
ma origine & ulteriori progressu testamenti factionis repetunt.
Quod scilicet, neque in *comitiis calatis*, neque in *procinctu*, neque
per as & libram procuratorem adhibere licuerit testatori. Id quod
facile quidem concedo, de testamentis *in procinctu* conditis, quip-
pe quæ nemo, nisi miles cinctus, præcinctus, proincectus, toga
cingulo militari incinctus, expeditus, vid. S. POMPEIVS FESTVS
de V. Signif. apud DIONYSIVM GOTHOFREDVM in *Corpo-
rum lingua latina*, pag. 283. voce *endo procinctu*, & B. HEINEC-
CIVS in cit. *Syntagma Libro II. tit. X. §. 3.* & in cit. diff. §. 14. 15. pag.
982. inque præsentissimo mortis periculo, verissimo consequenter
privilegiorum circa testamenta militaria fundamento, jamjam
constitutas, vid. PLVTARCHVS *in vita Coriolani*, ad annum V. C.
261. pag. 217. VELLEIVS PATERCVLVS, libro II. cap. 5. ubi:
facientibusque omnibus *in procinctu* testamentis, velut ad certam mortem
eundum foret, A. GELLIVS libro XV. cap. VI. ubi: alterum *in procin-
ctu*, cum viri ad præliam faciendum in aciem vocabantur, condere po-
tuit. Neque hic procuratori, vel ideo locus esse poterat, quia
sola heredis coram duobus testibus, commilitibus, facta *nuncupatio-
ne*, tabulis exclusis, absolvebantur. M. TVLLIVS CICERO in li-
bro de oratore I. cap. 53. scribit: *tanquam in procinctu* testamentum face-
ret, *sine libra atque tabulis*. Conf. CHRISTIANVS THOMASIVS in all.
diff. §. XXIV. Neque idem de testamentis *per as & libram* factis negare
vel-

vellem, propter communem, omnibus *aetibus legitimis*, procuratores simpliciter responentem, naturam indeolemque L. *LXXVII.* & *CXXIII.* de R. *J.* confer ibidem JACOBI GOTHOFREDI *Commentarium*, pag. 513. quæque ad eundem notarunt, tum Illustris JVSTVS HENNINGIVS BOEHMER, in *diss. de dominio litis*, Cap. I. §. 17. 18. *Juri ecclesiastico Protest.* Libro II. tit. *XXXVIII.* §. 25. seq. inserita, Tomo I. pag. 915. & B. CHRISTIANVS GOTHOFREDVS HOFFMANN, in *diss. de origine & conditione Procuratorum*, c. II. §. 3. Illa enim testamenta continebant *mancipationem*, ipso VLPIANO in tit. *XX.* §. 9. apud SCHVLTINGIVM, pag. 629. teste, vid. cum CL. BERGMANN in *diss. de numero testimoniis in testamentis septenario*, *Lipsiae*, anno 1731. Præside Cel. F. AVG. HOMMELIO habita, §. *XIV.* tum vero etiam ALBERTVS DIETERICVS TREKELL, cit. tr. cap. III. §. 8. quæ in allegata L. *LXXVII.* inter *actus legitimos* diserte refertur. Confer omnino IO. CHR. SCHROETERI *Progr. Jena anno 1720.* ed quo sensu *testamentum per as & libram inter actus legitimos* referatur. An vero non licuerit civi Romano in comitiis calatis testaturo, & quo minus ipse inibi compareat, impedito, Populum Romanum, per alium quendam, itidem civem Romanum comitiorumque participem, veluti procuratorem suum, rogare? quæstio mihi videretur nondum satis expedita, nisi ægre admodum, atque demum fictionum ope Procuratores a ROMANIS admissos fuisse, laudati docuerint BOEHMERVS atque HOFFMANNVS. Ea vero nihilominus atque adeo *minore* istius argumenti *propositione* penitus concessa, alia nihilominus superest elabendi rima. Alterum enim dicti argumenti membrum in eo consistit, quod testamenta hæcce *publica*, tam principi, quam judicii oblata, in eorum locum successerint, quæ in *comitiis* quondam condebantur *calatis*, populi Romani potestate legibus illis regiis in Principem transcripta. Ita scilicet sentiunt HERM. VVLTEIVS, VIGLIVS ZVICHEMIUS & ARNOLDVS VINNIVS, omnes ad princ. & §. 1. *Instit. de testam. ordin.* sed jam responderunt, omnemque istum nexum, inter testamenta comiticia XII. Tabb. abolita atque publica, demum post CONSTANTINI M. tempora, vide L. II. C. de Magistr. muni-



cip. & L. XVIII. XIX. C. de testam. introducta, rationibus chronologis negarunt, HEINECCIVS, in diff. de Orig. testamentificationis, §. XXI. sive in syloge opusculorum, pag. 991. atque celeberrimus ille Helmstadiensis antecessor, FRANCISCVS CAROLVS CONRADI in differt. de testamento publico, quod fit apud acta, an. 1741. edita, §. I. Ut consequenter eandem præter rem denuo adoptaverit Cl. IO. CHRISTOPHORVS BALSER in libello singulari de forma testamenti judicialis externa, Gissæ, hoc demum anno edita, cap. I. §. III. pag. 2.

SECUNDO ad ipsam illam legem, in hoc argumento cardinalem XIX. Cod. de testamentis tanquam ad sacram anchoram confugunt, qui procuratorem hic eliminare student. Et sane, vel hæc illis admodum favere videntur verba: *qui altis mentis svæ postremum publicavit judicium: iterumque etenim voluntates hominum audire volumus.* Inde necessitatem præsentiae testatoris arguunt. Liceat vero heic regere, etiam per procuratorem aliquem mentis suæ postremum publicare posse judicium, non enim suam, sed testatoris mentem publicaret procurator, & testamentum judiciale per procuratorem oblatum tamen esset *publicatio mentis svæ*, sive *testatoris coram actis facta*, statim enim generatim iterum loquuntur Impp. verbis *succe-
sorem suum oblatis precibus declarare.* Deinde etiam voluntates hominum nihilominus *audire* possunt imperatores, licet per procuratorem offerantur.

TERTIO consequentiam contra procuratores inde quoque deducunt, quod nemini *coram testibus* per procuratorem testari liceat. Verum enim vero negari heic posset consequentia, ideo præsertim, quia testamento per procuratorem oblatu ultima testatoris voluntas nihilominus haud confertur in alienum arbitrium, unde non obstant, quas hic obmoveri videoas, Leges XXXII. pr. de hered. insit. & LII. de condit. & demonstr.

Eiusdem commatis QVARTVM est, quod *acta* in ejusmodi testamento suppleant vicem *testium*, qui ut testatorem videant audiantque, necesse est. L. IX. C. de testamentis. Vide JEREM. EBERH. LYNCKII Diff. Argent. de testatore cortinato sive velato. Ast testes so-

len-


lenitatis, acta vero judicialia fidei publicæ causa testamentis accèdunt, ipso B. LAVTERBACHIO in *diss. de Testam. judiciali*, th. IV. atque Cel. SENCKENBERG in *all. diss. de origine testamenti publici*, cap. IV. §. 5. fatentibus, hæc vero sibi invicem opponuntur. Ultimo etiam suspicionem fraudis, metumqua mutata ultimæ voluntatis obmovent, sed hoc argumentum nimis probaret contra procuratores, quippe qui mandatum *speciale*, de quo, potissimum tamen *judiciali & processuali*, singulari diss. egit MICH. HENRICVS GRIBNER in *opusc. Tomo V. sect. 7. pag. 162.* imo *specialissimum* exhibere, omniq[ue] fraudis suspicione majores esse debent. Sub quibus demum limitationibus procuratorem admittit Illustris AVGVSTINVS a LEYSER, in *spec. meditationum ad Pand. CCCLIV. n. 4. Volum. V. pag. 609.* Quæ, cum ita se habeant, facile patet, argu-
 menta communis hujus, atque adeo hoc quoque nomine, *arg. L.I. pr. de officio questoris, & L.XII. §. 27. de instruendo & instrumento legato*, haud spernendæ sententiæ nondum omni dubio exempta omniq[ue] exceptione majora, verissimumque esse, quod ANDREAS GER-
 HARDVS in *disp. de testam. II. sub finem th. 14.* scripsit: *sententiam illam, nisi ab omnibus fere, & communi quidem praxi, juris non scripti vim subinde obtinente, recepta esset, optimis rationibus in- frangi, contrariaque defendi posset.* Vnde etiam haud mirum, quod non solum multi contrariam hodie foveant opinionem, verum etiam, quod suis haud destituantur rationibus. Veluti, quod regulâ-
 riter in omnibus etiam *arduis* atque *majoribus* caussis procuratores admit-
 tantur, atque ab his gesta perinde valeant, *L.III. §. 12. de donat. inter Virum & uxorem L.V. §. 3. de administr. & periculo tutorum, Cap. LXXII. de R. I. in 6.* atque ab ipsis peracta fuissent principalibus. In hisce nam- que causis arduis & majoribus nihil aliud nisi *mandatum speciale* re- quiritur, quod etiam hic necessarium, licet in illis nemo cogi pos- sit ad constituendum procuratorem. Conf. *land. GRIBNERI diss. at- que illustris IVSTI HENNNGII BOEHMERI diss. de causis arduis & majoribus, Halæ, jam anno 1715. editam, cap. II. §. 16. & 20. & cap. IV. §. 3.* Quod imperatores nihil nisi *preces* atque *supplicationem* desiderent, inque *precibus minime requirendum sit, per quem fuerint oblata,*
eisdem



eisdem Impp. HONORIO & THEODOSIO A. A. rescribentibus
in L. VI. C. de precibus imperatori offerendis. Quod ictos in testa-
mentis nihil ultra id quod lege expressum desiderare deceat, quod
præsentia testatoris, tanquam solemnitas in testamentis privatis ne-
cessaria, ab eo supereretur, quod mera fide precibus & tisque insertum, quod
ipsis Imperatoribus sufficere visa fuerit certitudo voluntatis testatoris,
mandato speciali æque obtainenda, unde Impp. diserte declarave-
rint: nec pertimescat heres institutus, cum oblatas preces secundum volun-
tatem defuncti idoneis testibus possit approbare, duobus scilicet factum
oblationis testantibus, in omni plane etiam privato solemnii testa-
mento, si de solemnii ejus ordinatione, quoad factum, adhuc du-
bitetur, necessariis, vid. BERGERVS in *Oeconomia juris*, pag. 347.
& LEYSERVS in *Spec. CCCLV. num. 4.* quod ipsa etiam Principis judi-
cisque præsentia sit necessaria, quod donatio inter vivos, quingen-
tos solidos excedens per procuratorem offerri valeat, concedente
BENEDICTO CARPZOVIO in *Libro Resp. V. resp. 86.* quod ex
formulis MARCVLPHI adpareat, publicationem testamenti quon-
dam a procuratore factam fuisse, (sed docuit Cel. CONRADI in *all. Diff. §. 18. sq.* ibi non de *insinuatione*, sed de *publicatione* illa testa-
menti post mortem sermonem esse) aliaque, sed minoris momen-
ti ponderisque argumenta, quibus itidem haud pauca obverti pos-
sunt. Ante signanus ita sentientium sine dubio est SAMVEL
STRYKIVS, in *Diff. de testamento Principi vel judici per procuratorem*
oblato, jam anno 1684. Francof. publice ventilata, postea vero tr.
de cautelis testamentorum Cap. VIII. p. 338. nuncque collectioni *dissertationum Ulmensi*, Tomo IV. n. IX. inserta. Qui OTTONEM TABOREM
potissimum fecutus, *de test. principi aut comiti oblato*, cap. V. th. 10.
Quo cum inter modernos etiam sentiunt, illustris BOEHMERVS,
in *Tomo II. parte I. resp. 643.* & in *consult.* & *decis.* ad *ord. Pand. dec.*
42. atque IO. CHRISTOPHORVS BALSER cit. loco, cap. III. §. 75.
pag. 76. Quam sententiam amplexus fuerit IO. FLORENS RIVI-
NVS in sua, *de test. per proc. oblato*, Lips. anno 1735. edita *diff.* cum
eandem non inspexerim, nescio. Communem vero pluribus pro-
pugnarunt GOTTOFREDVS BARTHIVS, in *Diff. de testamento co-*
mitti oblato, Lipsia 1689. ventil. c. IV. nec non WOLFFG. ALBERT.
SPIS,

SPIIS, in *Diss. de testamento per procuratorem non offerendo*, Altiorffii 1742.
 habita. Quos tamen omnes facile superat B. Dn. Dr. FERD. CHRI-
 STOPH. HARPPRECHT, in *Conf. LIV. Vol. Conf. Tab. IV. fol. 1003.*
 Unde hisce non amplius immoraturus, hoc unicum addo, in omnibus
Jure nostro civili WVRTEMBERGICO statutis testandi formis, testatoris
 præsentiam esse perquam necessariam. Vide *Part. III. Tit. 3. rubro*
 Die erste Form, §. Erstlich, fol. 331. ubi: Erstlich mag ein Mann
 oder Weibs-Persohn vor Gericht erscheinen, und daselbst mit
 verständlichen Worten ihr Gemüth und letzten Willen eröffnen, & rubro die ander Form, §. Wann aber, fol. 333. ubi: für ein
 gesessen Gericht bringen, rubro die dritte Form, §. da aber, fol. 334.
 ubi: zu sich beruffen, und vor denselbigen ic. rubro, die vierte
 Form, fol. 336. & denique, rubro, die fünfte Form §.
 nachdem es auch, fol. 337. ubi, daß eine jede testirende Persohn vor Gericht erscheinen ic. Accedit quoque necessitas inter-
 rogationis de libertate ultimæ voluntatis, ejusdemque post nuncu-
 pationem, ab alio in scripturam redactæ, prælectionis, omnibus testa-
 mentis *Wurt. communis*, procuratores penitus excludens, vi
 allegati rubri, die erste Form, §. welches dann, und darbey aber
 fol. 331. & 332. Conf. IO. IAC. PLEBST in *diss. III. th. 38. W. A.*
 LAVTERBACH in *diss. de testam. Judic. th. 9. 10. 14. B. Dn. Dr.*
 HARPPRECHT *ibidem th. 11. B. B. BARDILLI*, in *diss. de testamento*
Nunc. th. 8. & Consultissimus Dn. adnotationum ad Jus Prov. W. Auctor,
p. 192.

Alia prorsus *questio* est, cum hac, de testamento judiciali per
 procuratorem oblato, minime confundenda, anne judicii judicio-
 que, cui testamentum aliquod offerendum, unum saltem vel plures
 quoque assessores atque scabinos, cum vel sine actuario, ad præ-
 viam testatoris rogationem, per quemcunque faciendam, totius
 collegii nomine mittere atque delegare liceat, hique deinceps, spe-
 ciem quandam *judicij representativi* præ se ferentes, testamentum il-
 lud, a testatore ipso, eo effectu suscipere valeant, ut judiciale illud
 fiat, atque sine testibus subsistat? quam de *jure communi ROMANO*,
 in quo mos ille, domi, extra locum *judicij* testandi, neque in *L. XIX.*
Cod. de testamentis, neque in *L. VII. de manu missis vindicta expres-*
sus,



sus, sola forte *L. XXII.* de *testibus* sustinetur, vid. cit. *Cel. CONRADI* *diff. §. XX.* per ea, quæ *B. HARPPRECHTVS* tradidit, in *diff. de testam. judic.* *§. VI. VII.* atque *reftonso Helmstadiensi* firmavit cel. *LEYSERVS* in *spec. CCCLIV.* num. 3. *adfirmam-*
dam, de jure vero civili WURTEMBERGICO, vide *Part. III. tit. III. rubr.*
III. fol. 334. aliisque permultis juribus particularibus, a laud.
HARPPRECHTO, SENCKENBERGIO in *diff. de origine test. publ.*
cap. IV. §. 6. nec non illustri atque cel. *IO. AD. KOPPIO* in *spec. I.*
Germ. de test. Germ. judicialibus & sub dio conditis, vulgo ungehabt
und ungestabt, Fr. anno 1736. ed. §. XII. recensitis, negandam esse
censeo. Nisi quod videri posset, inter nos quatuor istos assessores cum
actuario tunc saltem necessarios esse, cum a testatore requiruntur,
non vero a Judice ipso mittuntur. Verum, idem hic modus, co-
ram deputatione judiciali, veluti judicio quodam repræsentativo,
testandi, etiam in jure Germanico antiquiore parum præsidii inveni-
re, post KOPPIVM docuit Cl. BALSER, all. l. cap. III. §. 73. sq.

IV.

Pacta dotalia, conjugumque successoria, quam-
vis per modum ultima voluntatis condita fuerint,
tamen judici per procuratorem offerri possunt.

Idem, quod de *testamento*, tanquam prima illa, præcipuaque,
& maxime *solemni* *ultimarum voluntatum specie*, paullo ante ostendi;
nempe *procuratorem* istud judici offerre haud posse: de reli-
quis *ultimarum voluntatum speciebus minus solemnibus omnibus*, co-
dicillo, epistola, legato, fideicomisso, nec non mortis caussa donatio-
ne, pariter pronunciant icti, quorum magna in foris auctoritas. Quid
vero nunc de pactis dotalibus censendum? Quæ, cum mixta esse, at-
que adeo etiam per modum ultima voluntatis condi valeant, hujus-
speciebus recte accensentur. Anne igitur hæc quoque, si quidem
judicia esse debent, per alium, *procuratorem* nempe atque
sub-

substitutum, iudici offerri haud poterunt? Ita scilicet videri omnino posset argumento & analogia *mortis causa* donationis, quæ & ipsa negotium *mixtum*, fluctuans inter contractus inter vivos, ultimasque voluntates. Donationem inter vivos, summam D. solidorum excedentem, atque adeo actis insinuandam & judicis auctoritate confirmandam, per procuratorem eidem offerri, actisque insinuari posse, nemo dubitat. Nov. CXXVII. cap. II. vid. IO. VOLCKM. BECHMANN in *diss. de spec. jure donat.* D. solidos excedentis cap. IV. pag. 17. & conf. B. IO. GUIL. de GOEBEL de donat. insinuandis. Quamprimum vero donatio quædam, *mortis causa* fit, atque ad ultimas voluntates proprius deinceps accedit, ab ejus insinuatione procuratorem statim & omnino excludunt, DANIEL MOLLER in *Liber semeistrium* I. cap. V. n. 12. pag. 19. BENEDICTVS CARPZOV, in *Jurispr. For. Parte III. Const. I. def. 36.* FERDINANDVS CHRISTOPHORVS HARPPRECHT, in *Conf. LIV.* n. 187. WOLFGANGVS ADAMVS LAVTERBACH, in *diss. de mortis causa donationibus*, §. 7. & 10. & de *nuncio*, cap. VII. th. 33. nec non maternus proavus meus B. IO. ANDREAS FROMMANN, in *diss. donationum simplicium & mortis causa th. XII.* Quod argumentum, a *mortis causa* donatione, Jure Romano, §. I. *Inst. de donat.* L II. & L. f. C. de don. c. m. imo jam L. XXXV. §. 6. de m. c. donat. legatis penitus exæquata, ad pacta dotalia transumtum, eo majoris ponderis videtur, quo communior ICTORVM opinio est, mixta illa pacta dotalia in vim ultimæ voluntatis concepta, ex jure Romano, ejusdemque doctrina de m. c. donatione, tanquam negotio similiter *mixto*, penitus æstimanda esse, pluribus, aliis quoque exemplis ostensa ab Illustri IVSTO HENNINGIO BOEHMERO, in *Diss. de successione hereditaria conjugum ex pactis dotalibus*, cap. II. §. 4. Verum enim vero neque unanimis est, illa practicorum de *mortis causa* donatione, per procuratorem non offerenda, opinio, penitus namque dissentit MATTHIAS BERLICH, in *Parte III. Concl. II. n. 41.* neque illis hodie amplius ad palatum ea esse solet, qui jurisprudentiam nostram, e legibus peregrinis moribusque domesticis adeo mixtam, sollicita fontium distinctione, paullo certiorem reddere conantur, hincque etiam *pacta dotalia*.



ralia, quatenus præsertim *successoria* insimul sunt, eademque *adquisitiva*, non e jure Romano, quibusvis pactis successoriis adeo inimico, L. XIX. & L. XXX. C. de pactis, sed antiquo pariter atque medio jure Germanico, unice aestimare, atque dimitiri solent. Admodum namque diversam horum jurium, Romani atque Germanici, circa pacta *dotalia* sententiam, hujusque in praxi prærogativam, præter laudatum jam BOEHMERVM, in cit. *Diss.* erudite solideque docuit IOACH. GOTTHILFF SPARMANN, in *Diss. de prærogativa Juris Germanici, præ Romano, in materia pectorum dotalium, Gryphisvv.* anno 1742. junctim editis. Illam ipsam quoque distinctionem *pactorum dotalium* in *simplicia* atque *mixta omni plane* juris Romani atque Germanici fundamento carere, nuper admodum probare voluit PH. IAC. GRAV, in *Spec. jurid. de mixtura incongrua J. R. & G. in dist. pectorum dotalium in simpl. & mixta*, Marb. anno 1744. edito. Quid quod ipsi quoque antiquiores *icti*, ante hodiernam juris Germanici culturam, eandem, insignem sane differentiam agnoverunt, omnemque *nexus mortis causa donationis*, cum pactis hisce *successoriis* negarunt. Et, licet hæc, per modum ultimæ voluntatis, contra naturam pectorum, condi posse docuerint, hincque quinque testium præsentiam desideraverint, non omnes tamen ultimarum voluntatum solemnitates, veluti præsentiam ipsorum pacientium in ea, quæ judici majoris fidei & securitatis causa fieri solet, insinuatione, testium solemnitatem hic quoque superante, arg. L. XIX. *Cod. de testam.* requisiverunt. Teste BENEDICTO CARPZOVI, in *Parte II. const. 43. def. 3. & 4.* ubi non solum docet, quod pacta *dotalia* judicialiter insinuata valida sint, nullis licet adhibitis testibus, verum etiam concedit, quod ea valeant *pacta dotalia*, quæ non ipsi pacientes conjuges, sed eorum vel parentes, vel cognati, judici insinuarunt, qui consequenter parentes atque cognati, in hoc oblationis actu nihil aliud erunt, quam pacientium *procuratores*, qui, cum in pactis *ante nuptialibus* admittantur, ab insinuatione pectorum inter conjuges *successorum* repellri non nisi invita minerva poterunt, iudice Illustri LEYSERO, in *Spec. CCCX. num. 9.* ubi nihil aliud, quam certitudinem voluntatis pacientium ad validitatem insinuationis

¶ ¶

21

tionis per *procuratorem*, requirit. Accedit, ipsam horum pactorum irrevocabilitatem, quam multi hodie ex Jure Germanico, mixturæ illius ignaro, adstruunt, quamque multi etiam veterum ICTORVM agnoverunt, ex *acceptatione* forte non adeo incongrue derivandam, quandam hujus, a. m. c. don. discriminis rationem præbere. Alia quæstio est, an alteruter paciscentium, veluti maritus, suo nomine in judicio comparens, alterius quoque, absensis, conjugis, uxoris puta procurator, atque etiam, si speciali destitutus foret, *mandato*, extraneis perquam necessario, tanquam curator legitimus vel mandatarius certe præsumptus, admittatur, atque sufficiat? cuius ulteriore discussionem conflictui reservare malo, quam hic decisionis aleam subire, *affirmativam* defensurus.


V.

Testamentum *reciprocum*, per procuratorem oblatum, clausula *salutari*, in vim pacti *dotalis* sustineri posse videtur.

Cum igitur, inter omnes ultimarum voluntatum species, non nisi pacta *dotalia* conjugumque *successoria*, rata sint, atque firma, si eas procurator obtulerit, insinuaveritque, hoc præcipuum habere videntur testamenta conjugum *reciproca*, quod tanquam pacta dotalia, eademque judicialia, procuratorem admittentia, ope atque beneficio salutaris illius testamentorum clausulæ, communis, si credere fas est, testamentorum *emplastri*, vel, si magis placeat, *herba betonica*, sustineri valeant. Sic, ut *exemplo* utar, si conjuges, liberis de stirti, se invicem ex asse heredes scripserint, solus vero maritus judicem adierit ipse, uxor autem tabulas suas per procuratorem actis insinuaverit, hincque intestata deceßisse videatur, marito, spe sua legitime concepta destituto, aliter subveniri non poterit, nisi eos pacta magis dotalia, quam testamenta condidisse dicas. Non enim

C 3

ho-



hodie pacta dotalia tantum sunt *antenuptialia*, atque de dote unice disponunt. Licet potius conjugibus, quotidiana praxi teste, non solum ineunte, sed durante etiam, imo exente matrimonio pactis dotalibus futuram ordinare successionem. Quid enim hodie pacta *dotalia* aliud, quam conjugum *successoria*, quorum latissimus est ambitus, maximaque in conjugum successionibus auctoritas. Ita ut inde quoque SERENISSIMVS LEGISLATOR WVRTEMBERGICVS in *Jure Prov. Würtemb.* P. III. tit. 8. §. Es sollen auch. fol. 354. praeceperit: *Dass solche Ehe - Beredungen der Ehe - Leuth Succession halben, nicht weniger dann ordentlich aufgerichte Testamenten kräftig seyn sollen.* Nullum porro dubium pacta dotalia non solum judicialia esse posse, verum etiam in judicio optime condi, nullisque deinceps opus esse testibus, nullaque etiam causae cognitione, deficientibus, ut in nostro exemplo, liberis. Sed instabis procul dubio atque objicies: aliud esse *testamenta*, aliud vero condere *pacta dotalia*. Conjuges testantes non esse pacientes, cumque modum ordinandæ successionis testamentarium elegerint, pactitiam successionem eo ipso repudiasset. Verum enim vero hic concedi mihi postulo, pacta dotalia, quibus de futura eademque mutua conjuges disponunt successione, atque vel coram testibus conduntur, vel actis inseruntur, haud postremam ultimarum voluntatum speciem esse. Non obstante illa, quam etiam ipsum nostrum JUS CIVILE WVRTEMBERGICVM, allegato loco, §. 1. fol. 353, sanxit, irrevocabilitate, ex ipso jure Germanico profluente. vid. *Illustr. BOEHMERI Diff. de successione conjugum ex pactis dotalibus*, cap. II. §. 3. & 6. Hæc enim vel ad ea pertinet, quæ simplicia, inter vivos, non mortis caussa, vel pacta hæc dotalia æque non eximit de numero ultimarum voluntatum, ac quidem testamenta reciproca, quorum revocatio, haud parum itidem limitata. Quodsi igitur pacta dotalia judicialia sunt species ultimarum voluntatum, & quidem omnium minime solemnis, eam quoque intellexisse censensus est testator, qui sub finem testamenti sui serio atque enixe testatus est: hanc ultimam voluntatem suam, quam latiori, omnesque alias ultimarum voluntatum species includente sensu, de quo vid. LEYSERV, in *spec.*

Spec. CCCLI. num. i. testamentum, dixit, quovis meliori modo sustineri debere, licet non omnibus vel testamenti solemnis, vel codicilli quoque numeris absoluta foret. Eodem enim jure, quo clausula hæc salutaris, testamentum, qua tale invalidum, tanquam codicillum conservare potest, eodem quoque testamentum inter conjuges reciprocum, per modum pactorum dotalium sustinere poterit. Licet illud neque testamenti, neque codicilli, neque mortis causa donationis jure valere possit. Modo cetera, quod pono, quæ ad pactorum dotalium validitatem necessaria, sint paria. Quamvis enim non cum illis sentiam, qui omnia plane testamentorum vitia, clausulam illam, veluti *panaceam* sanare posse credunt, hoc tamen contendeo, quod clausula illa *codicillaris*, vel quæ pari cum illa passu ambulat, omni meliori modo, quodvis testamentum invalidum in eam ultimarum voluntatum speciem commutare valeat, cuius illud instructum est requisitis atque solemitatibus, sive *codicillum*, sive *mortis causa* donacionem, sive *pactum dotale*. Ut nihilominus ultima defuncti voluntas, naturali hoc suadente æquitate, eum sortiatur *exitum*, quem testando sibi proposuit testator. *L. XV.C. de test. & L. CLXXXIII. de R. f.* Eodem certe jure, imo majori longe, quo practici miros huic clausula effectus tribuunt, eadem id quoque efficere poterit, ad quod non *sanatione*, sed *mutatione* opus habet. Adeo enim mutat, quod negotiis inter vivos adjecta, ultimam nihilominus producat voluntatem. Reæte, observante LEYSERO, in *spec. CCCLXXVIII. num. 3. & 4.* Nihil vero, ut falso sibi omnes persuadent, hæc clausula *sanare* potest. omni illius vi atque efficacia in *mutando* posita. Prout contra practicorum spissam satis nubem docuit *Ill. HENRICVS CHRISTIANVS SENCKENBERG*, in *Diff. de Clausula codicillaris inefficacia*, Goettingæ, anno 1738. edita, cuius tamen tradita non omnia facio mea.

VI.

De revocatione Testamenti reciproci.

JURE nostro CIVILI WVRTEMBERGICO, Parte III. Tit. VIII, de *mutatis testis*.

testamentis, §. als uns auch angelangt, fol. 350. & 351. sancitur, ne alteruter conjugum, qui mutuum & reciprocum, vel forsan *correspondivum* plane testamentum considerunt, hancce ultimam voluntatem suam, qua se invicem heredes instituerunt, alias quidem, sicut communi jure (vide tamen IOANNIS ALBERTI SPIESII *diff. de revocatione testamentorum*, *in primis reciprocorum*) ad extremum usque halitum libere revocabilem, vel sine justa caussa, in testamento exprimenda, atque ab herede scripto probanda, vel hac deficiente, sine alterius praescitu, *certioratione*, Vorwissen, non vero *consensu*, recte distingente BESOLDO, *ibidem*, §. LIX. p. 123. in ejus præjudicium atque detrimentum revocare vel immutare valeat. Rationem hujus legis, verbis B. LAVTERBACHII, in *Disp. III.* differ. XVI. p. 123. dabo, ne scilicet alterius conjugis fides decipiatur, qui melius de testante conjuge presumserat, arg. L. LXVII. §. ult. de Legat. II. Curo satis inhumanum esset, affectionem illam reciprocam, qua mutuum testamentum produxit, decipi, & voluntatem propensam unius circumveniri, arg. L. XXXIX. pr. de Legatis III. L. XCII. versu, neque enim debet, de Condit. & Demonstrat. J. J. PLEBST ad J. P. Würtemb. *disp. III.* num. 80. Ideoque sapientissime hic frenum injectum est malitia conjugum, qui ad testamenta mutua blandis verbis, alteram partem dolose allicientes, postquam id obtinuerint, suam clam iterum revocarunt voluntatem, nihilque preter legitimam alteri reliquerunt; pena insuper eis dictata, si id fecerint, in dicto §. als uns auch, *in fine*. Quodsi vero jam nunc ratio legis anima ejus, præcipuumque interpretationis fundamentum est, multique hodie, generoso quodam præjudiciorum contemtu, a communi illa antiquiorum sententia, jura statutaria atque particularia, ubi a jure communi abeunt, *strictissime*, & sic quidem interpretanda esse, ut quam minime ab illo recedant, jure meritoque discesserint, eadem hæc legis *ratio penal*, conservationem testamenti alicujus invalidi, veluti per procuratorem judicio oblati, ubi alterum validum fuit, ex mente SERENISSIMI LEGISLATORIS inferre videatur. Quæ generatim hæc fuit, ut omnes inductiones, fraudes, artes technæque e testamentis, præsertim *reciproci*, proscribantur. Hunc vero finem non consequitur LEGISLATOR, restricta liceat

licet revocandi libertate, nisi ex eadem ratione fatearis, uno illo-
 rum testamentorum, quo conjuges se invicem heredes scriperunt, va-
 lido, alterum quoque invalidum licet vitioque laborans velut in
 pœnam, vel securitatem certe testantium valere debere. Hoc enim
 non concessu, uxoribus via & ratio semper patebit, maritorum spem
 eludendi, eorundemque hereditatem contra captandi. Non enim
 revocatione opus habent, sed condant modo testamentum *invalidum*, in quacunque vel minima solemnitate deficiens. Mittant
 v. gr. ipsos maritos suos veluti procuratores, harum subtilitatum
 minus gnaros, ut judicio ultimam uxorum offerant voluntatem.
 Tunc marito defuncto, illa heres erit ex testamento valido. Vice
 autem versa, ipsa prius mortua, superstes maritus ex testamento
 uxoris sue, quippe invalido, heres esse non poterit. Agnosces sa-
 ne insignem uxoris *fraudem*. Coneedes, ipsam *naturalem aquitatem*
 summopere pro marito pugnare. Imo non æquitatem modo, sed
 tam juris communis, alios decipientibus nullatenus fa-
 ventis, L.II. §.3. D. & L.V. C. ad Sctum Vellej. nec ut quisquam, qui
 alterum hereditate sua defraudare intendit suæ calliditatis fructum
 consequatur concedentis, L.penult. C. de legatis, analogiam quam vero
 etiam ipsam LEGISLATORIS WVRTEMB. voluntatem atque in-
 tentionem manifestam. Quæ aliter obtineri non poterit, nisi
 hoc quoque uxoris testamentum invalidum, spretis, quæ in illo for-
 san deficient, solemnitatibus, tamen pronuncies validum. Id,
 quod non solum PRINCEPS poterit, sed ipse quoque JVDEX, cui ma-
 nifesta principis intentio sacrosancta atque in pronunciando optima
 regula. Nihil enim juvaret maritum, uti plerumque tamen deci-
 dunt: si ejus quoque testamentum pronunciare velles invalidum, atque si
 non nullum, itidem tamen revocatum habere, re scilicet non am-
 plius *integra*, sed uxore jam præmortua, vitioque testamenti nunc
 demum adparente. Sic enim neque fraus puniretur, neque læso
 succurreretur. Neque magis est, invalidum testamentum, reddere
 validum, quam validum subvertere, & invalidum pronunciare.
 Imo cum favor testamentorum magnus sit, majusque adhuc fra-
 dis odium, prius illud longe facilius crederem. Accedit, nullum
 etiam

D

etiam hoc casu locum invenire posse pœnas *in fine hujus s. dictatas.*
 Quæ cum ita sint, eo usque progredior audaciæ, ut exercitii gratia
 defendam, tunc quoque tale testamentum sustinendum fore, cum
 nulla fraudis adsit suspicio. *Partim* ut hæc eo certius excludatur,
partim vero etiam, quia in illo quoque revocationis casu nullam
 fraudis suspicionem Princeps requisivit, sed revocationem altero
 inscio indistincte prohibuit, sive testamentum ab initio bona fide,
 sive fraude & spe revocationis conditum fuerit. Nihil addo, nisi
 quod plura, pro ejusdem testamenti reciproci validitate, argumen-
 ta facile subministret doctrina de testamentis correspœctivis, a B. HAR-
 PRECHTO singulari *Diff. in Vol. Diff. I. num. XXXIX,* solide exposita.

VII.

Testamenta, sine consule & die, valent.

In omni materia testamentaria nihil adeo mirari soleo, quam
 ROMANOS, a testatoribus, temporis, anni scilicet, sive consulum,
 quos annum aperire atque nominare dicebant, loca huc facientia ex-
 hibente SAM. PITISCO, in Lex. antiq. Rom. voc. annus & consul,
Tomo I. fol. 107. 552. & 555. dieique annotationem haud exegisse.
 ROMANOS, inquam, subtilissimos alias tot solemnitatum testamentariorum auctores. Quarum subtilitas L. XXXI. C. de testamentis, sub-
 tilissimaque causa, L. XXVIII. C. eod. nec non diligens observantia, L. I.
pr. de testamento militis, id effecit, ut plerumque scribendis testa-
 mentis juris consultos adhibuerint. Id quod abunde patet e C. SVE-
 TONII TRANQVILLI vita NERONIS, Cap. XXII. ubi; deinde
ut ingratorum in Principem testamenta ad fiscum pertinerent: ac ne im-
 pune esset Studioſis juris (peritis, consultis, vid. A. GELLIUS, Li-
 bro XII. cap. 13. L. I. de officio aſſessorum, L. IX. de pœnis, & L.
 IV. de extraord. cognit.) qui ſcripſſent vel dictaſſent ea. Inde vero
 L. CRASSVS, Q. SCÆVOLAM ludens, apud M. T. CICERO-
 NEM, in dialogo de Oratore II. c. 6. nam si nullum, inquit, teſta-
 mentum

mentum rite factum erit, nisi quod tu scriperis, omnes ad te cives cum
tabulis veniemus, omnia testamenta tu scribes unus. Solus forsan LV-
CIVS ille TITIVS, testamentum suum sine ullo juris perito scripsit,
sui potius animi rationem, quam nimiam & miseram illam solemnitatem
diligentiam fecutus, apud Q. CERVIDIVM SCÆVOLAM,
in libro responsorum III. cuius fragmentum bene longum est L.
LXXXVIII. sive penult. (§. fin. 17.) de Legatis & fideic. II. Cujus
exemplum B. Dr. M. LVTHERVVS fecutus videtur SAM. STRY-
CKIO, in append. tr. de Cantibus testamentorum, num. XIII. pag. 1320.
ROMANOS, inquam, qui omnem moverunt lapidem, ut sua testa-
mento constet sanctitas, utque omnis inde arceatur fraus, dolus
malus, (non vero eriam ICTVS, ut apud GRVTERVM, pag. 562.
falsitasque, LEGE CORNELIA de falsis, A. V. C. DCLXXIII. a L.
CORNELIO SVLLA Dictatore, vid. §. 2. L. II. de O. F. lata,
ideo quoque dicta testamentaria, a M. TVLLIO CICERONE, libro
in C. Verrem, I cap. 42 ab AEMILIO MACRO, in L. I. de publicis
iudiciis, ab H. MODESTINO in L. XXX de L. Cornelio de falsis,
a TRIBONIANO in §. VII Inst. de publ. iudiciis atque in primis a J.
PAVLLO, in Rec. sent. L. V. tit. XXV §. . apud SCHVLTING.
pag. 51. Conf. C van BYNCKERSHOEK in Libro III. obs. f. R. cap.
18 nec non ill. JO. JACOBI MASCOVII diff. ad Sctum Libonianum
& editum D. CLAVDII, Lipsia, anno 1731. edita. ROMANOS in-
quam, quibus tamen ipsis solemne fuerat, consulem & diem testa-
mentis adscribere. Id quod abunde patet, cum ex LL. nostris,
L. II. §. 6. D. & L. III. C. testamenta quemadmodum aper. insp. & descri-
bantur, quam ex illo C. SVETONI TRANQVILLI loco, qui in
OCTAVIO, cap. CI. extat; ubi: testamentum L. PLANCO, C. SILIO,
Coss. III. nonas aprilis ante annum & quatuor menses, factum ab eo.
vid. omnino quam de hoc testamento scripsit Diff. ZACHARIAS
HVBERVVS in Diff. Tomo I. pag. 50. Hos inquam ROMANOS, sapien-
tissimos providentissimosque hominum Legislatores, testatoribus
temporis conditi testamenti annotationem haud injunxit, vel ideo
quoque vehementer miror, quia eadem variis fraudibus evitandis
detegendisque aptissima videtur. Sic INNOCENTIVS III. P. R.
in rescripto ad Archiepiscopum Mediolanensem, de anno MCCVIII.

diplomati contra hunc prolatu, primo statim loco, objecit, quod ibi maxime appareat consumptum, (videlicet in annotatione indictionis) ubi potuisse falsitas facilius deprehendi, Cap. VI. X. de fide instrumentorum, quia eandem alibi quoque, veluti in rescriptis, L. IV. C. de divers. rescriptis, in constitutionibus Principum generatim, vjd. BRISSONIVS, de form. P. R. Lib. III. pag. 327. in diversis contractuum tabulis, ibidem L. VI. pag. 512. in rationibus argentiorum, L. IV. de edendo, in accusationibus & inscriptionibus L. III. D. & XVI. C. de accusat. & inscript. nec non in conficiendis actis judicialibus, Nov. XLVII. Cap. I. adeo necessariam existimarent, prætereaque statuerunt, ultimam hominis voluntatem, ad extremum usque halitum ambulatoriam, revocabilem, mutabilemque esse. L. IV. de adimend. & transf. legatis. L. XV. C. de pactis, & L. XXII. de Legatis, III. nec non posterius testamentum rumpere prius. §. II. Inst. quibus modis test. infirm. L. II. L. II. L. XVI. de injusto, rumpto, irrito facto testamento. Quis vero tempore non adjecto, quodnam prius sit, posteriorius, semper cognoscet? Sed videntur sibi ROMANI multum potius ab ipsa hac temporis annotatione, in testamentiis metuisse. Ita enim DOMITIVS VPLANVS in L. II. §. 6. Testamenta quemadmodum aperiantur; diem autem & consulem tabularum non patiunt prætor describi vel inspici, idcirco, ne quid falsi fiat, namque etiam inspectio materiam falso fabricando instruere potest. Id quod Impp. DIOCLETIANVS atque MAXIMIANVS AA. & CC. in speciali casu aperti testamenti repetierunt, in L. III. C. eod. ubi, præter diem & consulem rector provinciæ facultatem inspiciendi describendique fieri jubebit. Omnibus vero hoc commune esse editionibus, sine die & consule antelitis contestationem ideo faciendis, ne quid excogitetur aie & consule & prælatu die fiat, solasque argentiorum rationes, de quibus omnino conferri meretur JO. GOTTFRIDI SIBERI Diff. de argentariis II. Lipsia anno 1739. edita. §. X. sqq. exceptas esse idem nos docet VPLANVS, in L. I. §. 2. & L. V. pr. de edendo. Non enim e testamento aperto recitatbat prætor nisi quod audientium scire interfuit. Sic propter metum insidiarum tabulas pupillares non aperuit, tino obductas, §. III. Inst. de pupill. substitut. L. III. C. quemadmodum testam. aper.

aper. & L. ult. ad SCtum Trebell. Ad minimum eas non sine prævia
causæ cognitione aperiebat, si testator aperturam diserte haud pro-
hibuerat. L. VIII. *testamenta quemadmodum aperiantur.* Conf. BRIS-
SONIVM, in *alleg. libro VII pag. 591.* Testamentis vero, consu-
lis dieque cognitione non aliter fraus fieri poterat, quam aliud
plane atque posteriorius, quo prius rumpatur, effingendo. Vid. CON-
STANTINVS HARMENOPOLVS, in *promptuario Juris Civ. Lib.*
I. Tit. IV. & JACOBVS CVIACIVS, Lib. III. obs. 7. quod tamen de-
functo jam testatore, prius namque non aperiebantur tabulæ, L. XLIV.
§. 1. de bonis libertorum. L. III. §. 20 de SCto Silan. L. I. §. 5. ad L. Corn. de
falsis, L. XXXVIII. §. 7 de pœnis L. XLI. ad L. Aquilam, L. I. §. 38.
depositi, & de facto AVGVSTI, vivi ANTONII testamentum ape-
rientis, confer SVETON. in *cap. XVII.* & B. IO. W. HOFFMANN,
in *historia triumviratus*, anno 1733. edita, §. XV. si non *impossibile*,
difficillimum tamen fuerat. Cur vero hoc metuentes, illam non
prohibuerunt Romani? quod certe nullibi legitur. Arbitrio testa-
toris eam penitus reliquerunt. Ita, ut *moris & consuetudinis ma-*
gis, quam juris legisve fuerit. Nulla ejus mentis fit in L. XXI. C. de
testamentis, in qua tamen omnes aliæ testamenti scripti solemnitates
recensentur ab Impp. THEODOSIO & VALENTINIANO AA.
nihilque de *consule* scribitur, nisi quod testator & testes uno eodem
que die atque tempore subscribere & subsignare debeant. Id quod
necessitatem adjectionis *dicit* nondum operatur. Unde quoque Ju-
reconsulti, quos sine legibus & præter leges solemnitates testamen-
tarias multiplicare haud decet, eandem, ne in *solemni* quidem te-
stamento *scripto* necessariam perhibent. Omnia loco evolvi meretur
CASPAR MANZIVS, *ictvs olim Ingolstadiensis*, hodieque celebre-
rimus, in *tr. de testamento valido vel invalido.* Tit. III. qu. 4. fol. 94.
Adde tamen, ut de noviori quoque praxi securus sis, SAM. STRY-
KIVM, in *cavetis test. Cap. II. §. 14. p. 29. & 30.* nec non magnum
illum WOLFG. AD. LAVTERBACHIVM nostratem in *Conf.*
CXVIII. n. 11. in *Vol. Confil. Illustris FACULTATIVIS TUDICÆ TUBING.* II.
fol. 628. Et quidem si fragmentis PITHOFANIS fides habenda,
prorsus ad sententiam veterum, speciatim HERENNII MODESTI-

NI, qui eandem hanc temporis adnotationem, si omissa fuerit, haud nocere respondisse videtur. Ita vero ILE, in libro regularum III. sive potius IX. quo ipsum de testamentis egisse, aliæ complures docent leges, v. gr. L. XXVIII. qui test. facere possunt, L. XXV. de cond. instit. L. XXXII. de test. militis. L. XXXII. de legatis II. tit. de bonis libertorum & de testamentis; Cum in testamento dies & consules adiecti non sunt, non nocet, quo minus valeat testamentum. Quod unicum MODESTINI fragmentum nobis restituit, atque Mosaicarum & Romanarum legum collationi, quæ LICINIO RUFFINO, cui cum PAULLO literarum commercium fuit, L. IV quibus ad lib. procl. non licet, atque adeo seculi III. JCto, perperam tribuitur, Parisis, anno 1672. editæ, atque ab ANT. SCHVLTING, Jurisprudentia sue antejustianæ, quam Cel. GEORGIVS HENRICVS AYRER, Lipsia, anno 1734. 4. iterum edidit, insertæ, pag 80. subjunxit PETRVS PITHOEVS, JCtus Gallicus, longe cel. IO quidem CHRYSOSTOMVS, Antiochenus, qui potissimum circa annum CCLXXXIII. insigni, qua pollebat, facundia, nominis sui causa, claruit, quique prope infinita scripsit, in horis. de OSIA II contrarium testatur, omnes scilicet testamentorum & contractuum tabulas, nisi tempus habeant præscriptum, omni sua vi destinui, sed refutavit eum IAC CVIACIVS ad L. XX. l. 8 qui test. Plane vero hic non obstant versus illi quos e LIBANIO, CHRYSOSTOMI præceptore, produxit IAC. GOTTHOFREDVS ad L. VI. od. Theod. de testam. & codicillis & L. IX. ibid. de infirm. his qua sub tyrannis, rel. iis nimium confidens. Neque aliam hue nossem analogiam. nisi eam, quam ex speciali illa, pignoris, epistola, neque signata, neque constata & die insignita, constituti casu, in L. XXXIV. §. 1. de pignoribus, eliciunt, privata instrumenta temporis annotatione opus non habere. Aliter longe antiquissimos majores nostros sensisse, e legibus ipsorum docuit, B. IO. GOTTLIEB HEINECCIVS, in Elem. Juris Germ. Libro III. Tit V. §. 203. sqq. Tomo II. pag. 550. Quid vero hoc modo duobus simul extantibus, diversis, nec tamen temporis annotatione distinctis fiet testamentis? Utilis hoc casu omnino foret illa temporis annotatio. Quodsi enim utrumque consulem & diem haberet

haberet expressum, quodnam prius posteriusve sit, quodque adeo
 valere debeat, certo constare posset. Alias enim neutrum valebit,
 & res ad caussam intestati redibit, nemini enim pagano cum duo-
 bus testamentis decidere licet, *L. XIX. de testamento militis.* vide
 tamen *L. I. §. 6. de bonorum possess. secundum tabulas*, atque *BERN-*
HARDI LVDOVICI MOLLENBECHI Disp. de duobus testamentis si-
mul validis, Gieſſe, 1711. editam. *Necessaria quoque isto casu erit*
temporis annotatio, probationis scilicet, non vero solemnitatis cauſa.
 Unde temporis probatio in ipso haud contenta testamento aliunde
 quoque suppleri, atque extrinsecus accedere poterit. Nihil hic ex-
 cipio, nisi *testamentum illud parentum inter liberos*, minus solemnē
 & privilegiatum. In hoc enim ex *novella Conf. sacratissimi Imp.*
IVSTINIANI, CVII. Cap. I. unde desumpta *authenitica*, quod sine *C. de*
testamentis, ante omnia necesse est, ut subscriptione sua *tempus* con-
 diti testamenti declareret, pater inter filios dispositurus. Id quod tam
 de anno quam die hodie intelligunt, propter majorem testamento-
 rum certitudinem. *SAM. STRYK, loco cit. cap. X. §. 14. p. 406. Conf.*
Jus civile WVRTEMBERGICVM Parte III. tit. V. §. Da aber die Eltern,
 fol. 343. & §. ult. fol. 346 ubi idem ad omnes omnino paren-
 tum inter liberos dispositiones atque divisiones extensum fuit. Hæc
 vero ad exceptionem pertinent, regulam in casibus haud exceptis
 firmantem potius, quam subruentem. Id vero paradoxum videtur
 quod in hoc minus solemnī & privilegiato testamento annus & dies
 per modum solemnitatis requiratur, cum tamen in *solemnibus* illis non
 privilegiatis haud requiratur. Rationem diversitatis non aliam inve-
 nio, quam quod hæc ipsa temporis annotatio veluti in locum ea-
 rum, quæ parentibus remissæ sunt solemnitatum, vel ideo surro-
 gata fuerit, quod parentes suas inter liberos dispositiones sapienter
 mutare soleant, quam quidem testamenta solemnia, & quod ex
 hac ipsa temporis adjectione, seria parentum voluntas certius secu-
 riisque cognoscatur. *IO. HARPPRECHT ad §. III. Inst. de test. ord.*
 Cæterum id quoque annotasse juvabit, quod *jure nostro civili WVR-*
TEMBERGICO, Parte III tit. III. rubro die andere Form. §. wann aber,
 fol. 333. *tempus prælectionis*, quoties illa necessaria, ab ipso præle-
 gente

gente diserte sit adjiciendum. Testamenta vero *judicialia* quod attinet, ea *hoc quoque jure* temporis expressione vel ideo opus non habent, quia tempus oblationis, actis ab actuario inserendum, *Nov. XLVII.* cap. I. atque ejus insertionis omissio testamento haud nocet, arg. §. Was also. fol. 338.

VIII.

Quæ testamenta jure civili *Wurtembergico* debeant esse *holographa*?

Quem ad modum universum *jus*, vel *scriptum* est, sive promulgatum, νόμον ἔγγραφον, vel non *scriptum*, sive consuetudine introductum, νόμον ἄγραφον, §. III. *Inst. de jure N. G. & civili*, L. V. §. I. L. VII. *de Justitia & jure*, L. XXXII. §. I. *de Legibus*; imo quem ad modum, subtiliter observante B. HEINECCIO, in *diff. de origine testamentificationis*, §. XIV. in *sylloge opusc.* pag. 983. antiqua illa Romanorum testamenta in comitiis calatis condita, νόμοι ἔγγραφοι, in procinctu autem facta, νόμοι ἄγραφοι erant, hoc est, vel legis, vel moris instar valebant; vid. PLVTARCHVS in *Coriolano*, p. 198. ita quoque TESTAMENTORVM alia sunt *scripta*, alia non *scripta*, siue *nuncupativa*, certis quibusdam solemnitatibus inter se differentia, §. XIV. *de test. ord.* L. XXI. pr. qui test. fac. possunt, L. XXI. §. 2. & L. XXVI. C. *de test.* Sicut vero non omne *jus*, quod in *scripturam* redactum, ideo statim *scriptum* est, ita quoque non omne testamentum literis mandatum, *scripti* jure censendum erit. Utiporro non omne *jus*, quod literis haud exaratum, nisi accesserit promulgatio, *scriptum* est, ita quoque non omne testamentum, in quo *nuncupatio* occurrit, *nuncupativum* erit. D. enim VLPIANVS in *tit. fragm. XX.* §. 9. nuncupationis & tabularum simul meminit. Imo sine ulla *nuncupatione*, nullum concipi poterit *testamentum*, etiam *scriptum*. Quæ vero non confundenda, cum illa *nuncupatione*, quæ *testamentum ipsum efficit nuncupativum*. Quando scilicet testator ultimam voluntatem suam testibus praesentibus ita pronunciat,

(nisi

(nisi sit implicitum) ut licet postea memoriae, & probationis non vero solemnitatis causa, in scripturam redigatur, omnem tamen vim suam ab enunciatione sive nuncupatione testatoris habeat. Vid. *all. Leges*, & *L. LVIII. pr. de heredibus instituendis*, & confer *B. BARDI-LI in diff. de test. Nuncupativo.* Nuncupativa scriptis sunt antiquiora. Talia enim ea omnia fuisse, quae in comitiis calatis & in procinctu condebantur, cum *CHR. THOMASIO*, in *diff. de primis initiis success. test. apud Rom. §. XIII. contra ALB. DIET. TREKELL.*, de origine & progr. test. fact. cap. II. §. 18. pag. 45. nimis subtiliter hic distinguentem, etiamnum statuo. Ea demum, quae post *Leges XII. Tabb. introducebant testamenta per as & libram*, vel *scripta fuerunt vel nuncupativa*. Quod idem hic *cap. II. §. 35. contra THEOPHYLVM* recte ostendit. Scriptis vero testamentis semel introductis, *nuncupativa* admodum rara fiebant, illis contra multo frequentius occurrentibus. Satis id inde adparet, quod tam apud autores & historicos, quam nostros etiam ictos rarissima sit testamenti nuncupativi mentio. Modo scilicet non omne statim *nuncupativum* credas, in quo heres non occultabatur. Sic enim ne illa quidem nuncupativa fuerunt, quae apud *M. T. CICERONEM in Orat. pro T. Annio Milone, cap. XVIII.* & *C. SVETONIVM in vita Caligula cap. XXXVII.* occurrunt. Deinde sibi admodum metuebant *Romani* a testamentis nuncupativis atque herede palam nuncupato, partim propter odium, quod apud alios incurrebant, partim vero etiam propter insidias, quas struere solebant heredipetæ. Hinc non nisi urgente demum necessitate, heredem suum palam nuncupabant, si forsan repentina morbi vis spatium non relinqueret, tabulas conficiendi. Quo casu vel tribus, v. c. *LUCIVS heres esto*, vel duobus saltem, *LVCIVS heres*, imo unico quoque verbo, *LVCIVS per nuncupationem testari poterant*, docente *D. VLPIANO in L. I. §. 1. & 5. de heredibus instituendis.* Ad quam conferri merentur *B. CONR. van BYNCKERSHOECK in libro Observ. V. cap. I. & B. HEINECCIVS de testamenti factione juris Germ. §. XXXI. in sylloge opusc. pag. 964.* Sic, quod *C. SVETONIVS TRAN-QVILLVS in ejus vita scribit*, *decessit HORATIVS poeta, V. Kal. Dec. C. MARIO CENSORINO, C. ANNIO GALLO COSS.*

post nonum & quingentesimum annum, herede AVGVSTO palam nuncupato, quum urgente vi valetudinis non sufficeret ad obsignandas tabulas. Quod testamenti nuncupativi exemplum, sicut omni exceptione majus, ita quoque tam antiquissimum, quam unicum forte, quod occurrit. Sufficiens autem ratio haud fuit CHR. THOMASIO, eur in *diff. de sensu legis testam. decemvir. §. VI. & XXVII.* docuerit istius demum HORA-TII & AVGVSTI exemplo & favore introductam fuisse heredem palam nuncupandi facultatem. Exemplo originis codicillorum & fideicommissorum, *in pr. & §. 1. Inst. titr. de codic. & fideic. de her.* Sic quoq; pariter falsum esse, quod prætor non nisi secundum tabulas, omni *nuncupatione* exclusa, bonorum possessionem dederit, aliud enim docent *L. II. C. de bon. poss. sec. tab. L. V. III. pr. C. de Codicillis. L. VIII. §. 4. de bon. poss. sec. tab.* Illum vero errorem, quem EDM. MERILLIVS olim, occasione *L. LXXVII. §. 24. de legatis.* II. erraverat, feminas non potuisse in scriptis testari, satis superque profigarunt B. HEINECCIVS *ad L. Jul. Pap. Popp. LII. cap. 9. pag. 240. in Synt. Antiq. Rom. L. II. tit. 10. §. 19. & in diff. de test. fact. J. Germ. §. XVIII. pag. 945.* atque ill. BOEHMERI *in diff. de test. mulierum.* Halæ anno 1741. edita cap. I. §. IX. Quæ vero ROMANI scripserunt testamenta, ea tantum abest, ut omnia ab ipsis auctoribus, sive testatoribus, tota conscripta, hoc est, secundum ISIDORVM, *Hispalensem Episcopum,* in *originum, sive etimologiarum, Libro V. cap. 24.* apud DIONYSIVM GODFREDVM, *in corpore auctorum lingua latina,* pag. 929. HOLOGRAPHA fuerint, ut potius aliena plerumque manu, vel filii familias, vel filii emancipati, vel liberti, vel servi, hujusque iterum vel proprii, vel alieni, vel extranei cuiuscunqae, velut notarii, in scribendis testamentis usi fuerint Romani, quibus tamen ultima voluntate, ejusque veritate & sanctitate, prius nihil fuit, nihilque antiquius. Evolve *L. I. §. 8. L. V. L. X. V. L. XV. de lege Cornelia de falsis & de Scto Liboniano L. XXVII. & XXVIII.* qui testamenta facere possunt, & *L. XL. de testam. militi.* Sæpius quoque ea aliis ad calamum dictarunt, (atque nuncuparunt) uti patet ex *L. IX. §. 1. 2. de hereditibus instit. L. CII. §. 1. de Legatis & fideic. III. XL. L. de testam. militis.* AVGVSTVS partim suam, partim libertorum POLYBII & HILA-RIONIS.

RIONIS manum adhibuit, teste C. SVETONIO TRANQUILLO in cap. CII. n. 1. TIBERIVS unum testamenti sui exemplum propria, alterum vero *liberti* manu scripsit. Teste Eodem cap. LXXVII. n. 1. Inde vero nata subscriptionis *testatorum* necessitas, illis initio propria testamentis, quæ aliena manu exarata fuerunt, arg. L. XL. §. 3. de statu liberis & L. I. §. 8. L. XV. §. 2. de L. Corn. de falsis. Eos autem, qui testamenta scribebant *testamentarios* subinde vocarunt iicti. L. XV. §. 6. L. XXII. §. 10. de L. Corn. de falsis. L. IX. pr. & §. 3. de hered. instit. L. I. pr. si quis aliquem testari prohibuerit, L. III. §. ult. ad S. C. Tum Trebell. confer BRISSONIVM, de Verb. signif. & CAR. du FRESNE in gloss. voce *testamentarius*. Generatim vero, ut testator semper subscribat, sive testamentum propria, sive aliena manu scriptum esset, primus præcepit THEODOSIVS junior in Nov. const. IX. de testamentis Tit. I. unde L. XXI. C. de testamentis de prompta. Id quod IVSTINIANVS iterum remisit in testamento holographo, L. XXVIII. §. 1. C. de testam. Unde hodie, civili atque communi jure ROMANO, etiam in testamento implicito, parum interest, sive testamentum sit holographum, sive aliena manu conscriptum, modo hoc casu ab ipso testatore vel octavo teste (L. XXI. pr. C. de test.) subscriptum. Quorsum plura dabunt GEORGII JOSEPHI BEHRII atque IEREMIAE EBERHARDI LYNCKII diff. Argentoratenses, de testamento holographo, anno 1729. & 1741. editæ, nec non, quæ de testamento reciproco holographo Jena anno 1702. prodiit, CHR. WILDVOGELII diff. & quam Altorfii jam anno 1682. de manu propria scripsit HENR. LYNCK. Quodsi vero quis, in DVCATV nostro testatus, ultimam voluntatem suam, in scripturam prius redactam, vel, ad normam seunda juris civilis WVRTEMBERGICI testandi forma, judicio ipse offert, liberam suam, in porrecta judicii scriptura contineri, voluntatem diserte profitetur, eandemque actis judicialibus inseri, suoque demum tempore aperiri, nec non executioni mandari, enixe rogat; vel, secundum tertiam testamentorum WVRTEMBERGICO-RVM formulam, idem, domi, coram quatuor senatoribus & actuario, hunc in finem rogatis, facit; vel denique, quinto modo testaturus, ultimam suam voluntatem in hujus vel illius, diserte nominato,



nato, urbis pagine judicio *depositam* reperiri, alii cuidam judicio, quatuorve senatoribus & actuari, vel quinque etiam testibus, cum notario, juratove scriba, indicat, utque hoc memoriae caussa, vel protocollo judiciali inseratur, vel in instrumentum redigatur, petit: QVÆSTIO oriri potest & solet, an *scriptura illa*, ad quam in *tribus hisce juris WVRTEMBERGICI* formis, secunda, tertia & quinta, testator se se refert, in illis quidem præsens, in hac vero sola, absens, præcise & sub pena nullitatis HOLOGRAPHA esse debeat? Quam, subinde haud parum *difficilem*, paucis nunc dilucidare constitui. Licet vero in quæstione ipsa, tres istas formas conjunxerim, distincte nihilominus nunc respondebo, eandemque quoad priores, secundam & tertiam, penitus *negandam*, quoad postremam vero, *quintam* puto sine omni dubio *affirmandam* esse luculenter, quoad ejus fieri poterit, commonstrabo.

Quod igitur PRIMO, ad secundam illam formam attinet, (prima namque est testamentum judiciale nuncupativum) in ea ipsa SERENISSIMVS LEGISLATOR WVRTEMBERGICVS necessitatem *propria* testatoris *manus*, sequentibus, in §. wann aber, fol. 332. occurrentibus verbis remisit. Wann aber dem testirenden seinen fürhabenden letzten Willen der Obrigkeit, oder sonst den vielen Persohnen zu eröffnen, bedenklich und ungelegen wäre, mag er sein Testament und letzten Willen ic. selbs schreiben und stellen; Oder da er selbs nicht schreiben könnte, alsdann einen andern schreiben, und folgends solchen seinen von einem andern schriftlich verfaßten letzten Willen ic. für ein gesessen Gericht bringen, und darbey anzeigen, wie daß er sein Testament oder letzten Willen in diesem verschlossen, durch sich selbst oder einen andern, geschriebenen und besiegelten Brief verfaßt hab. Facile inde patet, regulariter quidem *scripturam* illam, ad quam sese testator refert, ab eodem licet ipso porrectam exhibitamque in hac quoque *forma secunda*, HOLOGRAPHAM esse debere, nullamque aliam ejus regulæ, quam, quod mireris, plane non admittere videtur CHRISTOPHORVS BESOLDVS, ad Partem Juris Prov. W. III. tit. III. th. 19. pag. 113. dari exceptionem, nisi quam verba sistunt, oder da er selbs nicht schreiben

schreiben könndte, sive quod ἀναλφαβίτως, ἀγράμματος, sive
 illiteratus sit, L. VI. §. 19. de Excus. Tutorum, sive quod morbo, chi-
 ragra, aliave cauſa externa, jam nunc scribere saltem impediatur.
 arg. L. XX. X. C. de test. L. fin. §. 2. C. de jure deliberandi. Sicut, ar-
 gumento L. X. & sqq. de Legibus atque L. XXXII. ad L. Aquil. deci-
 dit, insimulque, quod miror, ad quintam, longe diversam, for-
 man provocat, sui ævi PAPINIANVS, B. Dn. Dr. FERD. CHR.
 HARPPRECHT, in conclus. de testamento judiciali III. Vol. Diss. I.
 pag. 1348. n. 15. Vtrum vero eandem hanc exceptionem, da er
 selbs nicht schreiben könndte, ad eas usque personas, quæ quidem
 scribere possunt, sed tamen testamentum aliquod vel concipere, vel
 describere nequeunt, extendere liceat, an contra, qui pingere ma-
 gis, quam scribere potuerunt, hincque etiam nomen suum subscri-
 pserunt, testamenta nulla sint, invalidaque, problema est, cuius so-
 luto in praxi, ubi hic casus sæpiſſime occurrit, longe utilissima
 foret. Generatim quidem locutus est LEGISLATOR. Sed argumen-
 tum istud e laudatis legibus desumptum, admodum generale & nimis
 remotum, in materia solemnitatum testamentiariarum, quæ strictam
 ubique depositunt interpretationem, ego quidem ultra, quam a
 B. HARPPRECHTO factum, extendere nolle. Eadem quidem
 subesse videtur ratio. Sed cogites velim, in scribendo testamento
 nulla styli affectatione opus esse, solamque perspicuitatem rem ab-
 solvere. Qui illud concipere nescit, ab alio conceptum describat
 saltem. Qui ne hoc quidem poterit, aliam eligat formam, suum-
 que heredem palam nuncupet. Idcirco enim plures descriptæ sunt
 forme. Cum vero hoc subinde nimis periculorum molestemque sit,
 & Imp. IVSTINIANVS in Nov. LXXIII. cap. 8. illos quoque, qui
 paucas sciunt literas, illiteratos dixerit, testamentum ejusmodi al-
 lographum, licet testator scribere potuerit, tamen valere existimo,
 si modo prælectio illa a tertio, qui testamentum non scripsit, testato-
 facta, accesserit. Hanc enim LEGISLATOR, tanquam surrogatum &
 æquipollens testamenti holographi constituit, quo fraudes æque pro-
 scribuntur, atque propria manu, accidente præsertim testatoris
 propria manu facta subscriptione. Suo jure hic allegari merentur

SAM. STRYK in *Diss. de jure analphabetorum*, cap. I. & IV. in Vol. III. num. 15. fol. 340. atque illustris IVST. HENNING. BOEHMER in *Diss. de testamento non praetexto*, *Hala*, anno 1699. ventilata.

In *tertia vero forma*, nihil plane hac de re definitum est. Unde hoc non immerito e proxime antecedente *secunda supplendum* esse videtur. Valere enim ab *una* ad *alias* quoque *formas consequentiam*, eo minus dubito, quo saepius ipse LEGISLATOR in *posterioribus ad priores* provocavit. Sic in eadem hac *forma tertia*, sub finem §. §. Da aber, & Darauf, fol. 334. & 335. occurunt formulæ: Wie vorgehende Formen ausweisen, wie oben in nächst vorgesetzten zweyten Formen unterschiedlich angezeigt. Verum quidem est, allegationes hasce non intuitu *propria vel aliena manus factas* fuisse, interim vero ipsam tamen consequentiaæ validitatem generatim demonstrant. Neque illud hic obesse puto argumentum, quod, quemadmodum *forma testamenti* alicujus in *jure* quodam *particulari* definita, reliquæ exclusæ & superfluæ videantur, solemnitates omnes, quæ de *jure communi* alias necessariæ sunt, docente B. HARPPRECHTO de *test. judiciali*, tb. XVII. sq. sic quoque omnes *juris nostri Provincialis* formæ, eas solemn. omnes exclusisse censeri debant, quas in illa præcise forma non expressit, licet in aliis eas præcepit. In illa enim ipsa, de qua adhuc sermo, *forma praelectione* quoque testamenti ab alio scripti, in *secunda præscriptam*, tacuit LEGISLATOR. Quam tamen propter fraudis facilitatem, nemo facile exclusam censembit. Vnde nimis probaret hoc argumentum.

Quam quarto loco ordinavit SERENISSIMVS LEGISLATOR *testamenti formam*, ea *testamentum privatum*, coram notario vel scriba jurato, & quinque testibus perficiendum, continet. Illius vero *scripturam* propter necessitatem publicæ *praelectionis*, non præcise *holographam* esse debere, facile cuivis patet, e. g. Da jemand. fol. 336. ubi: mündlich zu eröffnen, oder aber seinen letzten Willen schriftlich zu verzeichnen und verlesen zu lassen. Accedit, nullam adparere diversitatis rationem, cur *testamenta privata* magis, quam *publica*, esse debeant *holographa*, hincque *scripturam*, quæ testibus in *testamento privato*, nuncupativo, implicito, ostenditur,

non

non etiam ab alio scriptam esse posse, id quod argumento & analogia secundæ formæ, modo scilicet testator scribere nesciverit, ipsique scriptura illa rursum prælecta fuerit, post CHRISTOPHORVM BESOLDVM in conf. CXXII. num. 8. atque B. HARPPRECHTVM, in Disp. de testamento judiciali th. III. & in resp. II. manissa ad tractatus academicos negavit Excellentissimus Dn. Dr. SCHOEPFF in Conf. LXXVII. n. 38. in Vol. Conf. Tübinger VIII. fol. 500.

Progedior nunc ad ultimam Juris Provincialis formam, in qua sine omni dubio & exceptione scriptura illa, ad quam sese testator, sive coram judicio pleno, sive coram quatuor senatoribus & actuaris, sive coram quinque testibus & scriba jurato, ut in praecedentibus formis, secunda, tertia & quarta refert, holographa esse debet. Ibi enim fol. 337. hæc leguntur verba: Was man in Schriften mit ihrer eigenen Hand verfaßt, und versiegelt oder unversiegelt hinder der Statt oder dem Flecken (so ausdrücklich mit Rahmen zu bestimmen) zu getreuen Händen gelegt, nach ihrem Tod befinden werde. Quæ verba: mit ihrer eigenen Hand verfaßt, eo notabiliora, quo recentiora sunt. Primum namque in Codice JOHANN-FRIDERICIANO, anno MDCXII. edita comparuerunt, in antiquioribus illis Codicibus anno 1552. & 1591. promulgatis, nondum conspicua. Manifesto sane argumento, ea non forte fortuna, vel frustra plane hic inserta, sed data potius opera, correctionis, vel certe supplementi instar addita fuisse. Quod ipsum me in ea quoque opinione admodum confirmat, omnem hanc propriæ manus, sine ultra exceptione, necessitatem, ad quintam hancce formam unice pertinere, ad eandem penitus restringendam, ad reliquas vero nullatenus extendendam esse. Eadem enim facilitate reliquis etiam formis, hæc quoque vel similia inserere potuissent, revisores verba. Quod cum factum haud fuerit notorium inter hanc ultimam & reliquias priores numero quatuor, formas fundat discrimen. eo manifestius, quo magis hæc ultima, prorsus singularis, alias quoque a reliquis illis formis differt, quod nempe aliquis supremum suum judicium domi conscribere, alicubi deponere, hocque deinde vel judici, vel testibus significare valeat. In illis præsens est scriptura, & in quibus-

dam

dam in judicio statim deposita manet, in hisce vero absens. Vnde ad certitudinem & perfectionem voluntatis necessaria omnino scriptura holographa. Qui itaque scribere nescit, quinto modo testari nequit.

Quæ cum ita sint, reapse hic, neque inter se dissentiant, neque sibi invicem, ut omnino videri posset, contradicunt *Juris WURTEMBERGICI interpretes*, veluti JO. JAC. PLEBST, ad *Jus Prov. Würtemb. Part. III. disp. III. tb. 39. 42.* CHR. BESOLD, *ibid. tb. 20. & 24.* nec non in *Vol. V. Consil. 230. n. 18.* WOLFGANG ADAM LAVTERBACH ad *Jus Prov. Würt. Part. III. Tit. III. tb. 42.* & *de test. jud. tb. 2. & 25.* BVRCARD BARDILI, in *Disp. de testamento nuncupativo, tb. XXX.* & FERD. CHR. HARPPRECHT, *de testamento judiciali th. III.* & in alleg. *Responso II num. 55. 62.* Quippe quos, vel sola *formarum distinctio*, facile in concordiam redigere potest. Vbi enim propriam testatoris manum abscisse, nulla plane concessa exceptione, requirere videntur, de sola *quinta intelligendi sunt formas*. Vbi vero eadem, generatim superfluam perhibent, ad priores, secundam, tertiam, & quartam, *formas*, restringendi erunt.

Cum vero plures jam pagellas mihi procedere animadvertissem, quam academico huic specimini, *exercitio disputatorio* sufficientem materiam præbituro, initio destinaveram, reliquas, quas per hosce dies *meditatus* fui, *OBSERVATIONES TESTAMENTARIAS*, partim abjectas rursus, partim vero latius jam diductas, invitus fere omitto, quem maxime temporis angustia exclusus, ne ea quidem, quæ in medium protuli, pro dignitate pertractare, excolere atque perpolire licuerit. Quare hoc unum supereft, ut DEO T. O. M. pro suffectis viribus immortales agam semperque
habeam gratias.

T A N T V M.

NOBL-



41

NOBILISSIMO ATQVE DOCTISSIMO
DOMINO
AVCTORI-RESPONDENTI
S. P. D.
PRAESES.


Non sine magna animi voluptate gratulor TIBI, NOBILISSIME
atque DOCTISSIME DOMINE CANDIDATE, ADFINIS atque
AMICE CONIVNCTISSIME, egregios illos, quos ab eo inde tempore,
quo in EBERHARDINA nostra LEGIBVS operam navas, tantorum
JVRECONSVLTORVM, meorum olim quoque PRAECEPTO-
RVM, vel solo hoc nomine COLENDISSIONORVM, meoque et-
iam, qualicunque licet, nemini tamen fidelitate atque industria,
ut nosti, cedente ductu, TIBI comparasti profectus, mihi satis co-
gnitos probatosque, in primis vero etiam publicum eorundem STV-
DIORVM TVORVM, quod nunc edis, specimen, idemque eruditum,
OBSERVATIONES nempe TESTAMENTARIAS, antiquario practicas, ex-
temporales quidem illas, atque uno fere octiduo a TE proprio mar-
te selectas, in chartam conjectas, preloque subjectas, ita tamen
comparatas, ut præclara quævis, de TE TVISque studiis, quibus
felicem nunc imponis colophonem, sine ulla divinandi arte, in poste-
rum augurari inde liceat. TVÆ namque sunt, quas masculine, ut scio, de-
fendes *observationes*. Quas, si quidem temporis angustia id permis-
set, facile, quod petiisti, ulterius adhuc excolere atque perpolire
potuisssem. Nolui vero TVAS morari destinationes, vel pagella-
rum numerum præter rem augere. Cæterum non possum non lau-
dere TVVM, nimis inter nos rarum, speciminis academici modo
F dispu-


disputandi, atque deinceps demum in foro prodeundi institutum. Satis namque illud sese sua commendat utilitate, illis perspecta, quibus de meliori luto finxit præcordia TITAN. Morem sic geris ORDINATIONI DICASTERIALI, *novissimisque SPLENDIDISSIMA* MÆ VISITATIONIS *recessibus*, publicum ejusmodi specimen a Candidatis præxeos scholæque valedicturis desiderantibus, atque inde etiam fructum & proxime quidem capies, qui, ut porro etiam in TE & universam FAMILIAM-TVAM, utrinque admodum conspicuam, mihiq[ue] semper venerandam, nunquam non redundet uberrimus, est quod ex animo, eaque, qua TE complector, amicitia, opto. Quod superest, TE divino ante omnia præsidio, & bonis deinceps omnibus, non nisi argumentis de TE ipso sumtis, eo magis commendo, quo acerbius haud ita pridem, B. Dn. PARENTIS obitu, TIBI inflictum fuit vulnus. Ita vero vale, res TVAS feliciter age, meque, quod unum rogito, ut facis, amare perge.

Dabam TVBINGAE CALEND. SEPT.

MDCCXLV,







non etiam ab alio scriptam esse posse, id quod argumento & cuncta formæ, modo scilicet testator scribere nesciverit, ipsius illa rursum prælecta fuerit, post CHRISTOPHORVM BE in cons. CXXII. num. 8. atque B. HARPPRECHTVM, testamento judiciali th. III. & in resp. II. mantisse ad tractatus negavit Excellentissimus Dn. Dr. SCHOEPFF in Con. 38. in Vol. Consil. Tübinger VIII. fol. 590.

Progredior nunc ad ultimam Juris Provincialis formam sine omni dubio & exceptione scriptura illa, ad quam se sive coram judicio pleno, sive coram quatuor senatoribus, sive coram quinque testibus & scriba jurato, ut in pluribus formis, secunda, tertia & quarta refert, holographa esse enim fol. 337. hæc leguntur verba: Was man in Schrifte eigenen Hand verfaßt, und versiegelt oder unversiegelt Statt oder dem Flecken (so austrücklich mit Zahnen stimmen) zu getreuen Händen gelegt, nach ihrem To werde. Quæ verba: mit ihrer eigenen Hand verfaßt, eora, quo recentiora sunt. Primum namque in Codice FRIDERICIANO, anno MDCXII. edita comparuerunt quioribus illis Codicibus anno 1552. & 1591. promulgat conspicua. Manifesto sane argumento, ea non forte forfuitra plane hic inserta, sed data potius opera, correctione supplementi instar addita fuisse. Quod ipsum me in opinione admodum confirmat, omnem hanc propria manu la exceptione, necessitatem ad quintam hancce formam unere, ad eandem penitus restringendam, ad reliquas venus extendendam esse. Eadem enim facilitate reliquis eti hæc quoque vel similia inserere potuissent, revisores verum factum haud fuerit notorium inter hanc ultimam priores numero quatuor, formas fundat discrimen. eo in quo magis hæc ultima, prorsus singularis, alias quoque illis formis differt, quod nempe aliquis supremum suum domi conscribere, alicubi deponere, hocque deinde vel i testibus significare valeat. In illis præsens est scriptura, &